



19
20
21
22
23
24
25
26
27
28
29
30
31
32
33
34
35
36
37
38
39
40
41
42

古 130
834.1
部 - 246





金石萃編卷一百十七

賜進士出身 誥授光祿大夫刑部右侍郎加七級王昶撰

唐 七十七

湯華墓誌

石橫廣二尺一寸五分高一尺五寸四分二寸三分
行字數十九或十七至二十一不等正書在鄞縣

唐故福州候官縣丞湯府君墓誌銘并序

鄉貢進士林珽述

湯有大德於天下戴之如日仰之如春其後也君諱華
字知新曾祖備祖賓孝品皆簪組相繼官烈當時頗有
功於國以載於譜諒此略而不書公幼毓墳藉將欲振

於時立大來之器以晨昏是切仕不擇祿釋褐衡州
叅軍珪璋美璞州縣良才記室之芳袂罷猶在再調授
福州候官丞口惣感口塲人不告勞征賦皆集口馴雉
之化致象雷之聲謀而有方簡以莅事授亮而庶務皆
决正色而羣吏瞻風公之器用未盡鹽遠袂滿寓居南
方以口風有殊瘴癘所染沉痾既構天壽不遐以大中
十一年六月五日終于嶺中連江邑之客第春秋五十
八道路巨慟風雲助悲先確殯于竹林原夫人瑯琊郡
王氏故衡陽縣明宰之女以禮節奉君子以慈和訓閨
門感形影之未亡歎梧桐之半死望故鄉以泣血泛滄
溟以護喪篷首逝波没身佁義艱險不憚旌旒之口今
古罕及男二人長曰宗鉉次曰宗鎬女五人咸匍匐口
地哀號訴天以日月有時窀穸斯議以大中十二年十
一月廿八日歸葬于明州鄞縣龍山鄉江上里庚向之
原禮也銘曰
循与短芳胡可知 聖与賢芳莫能窺 器未展芳誠
足悲 口口有限芳淚如絲 哭丹旒芳一家隨 風
九原芳滿松枝

按湯華兩唐書無傳誌不詳華之里居据後云歸
葬于明州鄞縣則當是明州人也唐書地理志鄞

縣開元二十六年以前屬越州以後新置明州鄞縣屬焉其官侯官丞其卒在連江客第並福州屬邑誌云先確殯于竹林原確字見集韻音啐殘敗也與下文殯字不合疑爲權字之訛誌又云泛滄溟以護喪蓬首誌訛蓬首逝波沒身徇義艱險不憚云云是浮海護喪而歸也又云葬于龍山鄉江上里庚向之原葬用某向是今堪輿家羅經之術始見于此

柱國告石刻

裴本高廣行字皆不計正書

將仕郎權知幽州良鄉縣主簿范隋

右可柱國

勅朝散大夫尚書水部郎中穆栖梧等渙汗鴻恩必乘其雷雨領宣爵賞用振其簪纓以尔等列我盛朝累霑霈澤各有勞効許其叙錄行慶策勲於是乎在可依前件

咸通二年六月十一日

檢校司徒兼中書令使

中書侍郎兼工部尚書平章事臣杜審權宣奉

駕部郎中知制誥臣王鐸行

奉 勅如右 到奉行

咸通二年六月十二日

檢校司徒兼侍中使

右僕射兼門下侍郎平章事

給事中

告將仕郎前權知幽州良鄉縣主簿柱國范隋奉 勅

如右荷到奉行

主事吳亮

員外郎

令史楊鴻

書令史

咸通二年六月 日下

右六世祖所受懿宗告也先世文書自經喪亂十七八九此書獨存於三百年于戈之後子孫保之當何如耶紹興三年八月朔裝藉于廣州官舍右朝奉郎權發遣廣東路轉運判官正國謹書

右子儀六世祖柱國告以其時考之檢校司徒兼中書令使者白敏中以是官為鳳翔節度使也左僕射兼門下侍郎平章事綜者杜相也以檢校司徒出使有崔鉉鎮襄陽令狐綯使河中而兼侍中則未之考焉當侯博雅君子紹興己巳三月晦日贛川曾幾書

金石錄卷一百一
按唐書百官志官吏勲級凡十有二轉爲上柱國
視正二品十有一轉爲柱國視從二品此告范曄
以良鄉縣主簿而告曰可柱國不知其勞効居何
等也勅首云水部郎中穆栖梧等當時同奉此勅
而叙錄者不知凡若干人范曄特其一耳勅奉于
咸通二年六月其時朝廷無事本紀不載有行慶
策勲之特典不知勅所謂渙汗鴻恩必乘雷雨者
果何事也告中列銜檢校司徒兼中書令使曾幾
云是白敏中以是官爲鳳翔節度使稽之宰相表
及兩書白敏中傳皆同又中書侍郎兼工部尙書

平章事杜審權宰相表乃咸通元年九月所加而
舊傳云懿宗卽位召拜吏部尙書新傳云懿宗立
進同中書門下平章事再遷門下侍郎各不同王
鐸爲駕部郎中知制誥兩傳同又檢校司徒兼侍
中使曾幾云以檢校司徒出使有崔鉉鎮襄陽令
狐絢使河中而兼侍中則未之考焉崔鉉傳宣宗
時檢校司空咸通初徙山南東道荆南二鎮未嘗
檢校司徒兼侍中則非崔鉉明矣令狐絢舊傳大
中十三年罷相檢校司空同中書門下平章事河
中晉絳等節度使咸通二年改汴州刺史宣武軍

節度使亦未嘗檢校司徒惟新傳云未幾檢校司徒爲河中節度使宣武而未嘗兼侍中則非令狐綯亦明矣惟白敏中舊傳云懿宗卽位徵拜司徒門下侍郎平章事復輔政尋加侍中新傳及表皆不云加侍中新傳云南蠻擾邊乃出爲鳳翔節度使兩傳參攷則司徒兼侍中而出使者仍是白敏中也右僕射兼門下侍郎平章事悰者曾幾云杜悰也但表及悰傳俱作左僕射與碑異

福田寺三門記

表本高廣行字皆不計行書在雩都縣

唐虔州雩都縣福田寺三門記

鄉貢進士楊知新述

夫立有爲之績卽無爲也始于毫髮旋彙成大因泛性起入法空海蕩蕩而稱焉莫曰構梵刹貯像生口巍巍如星中月發輝晦愆且教西騰出鎮中國自姬垂代迄今聖朝頤口口紀經歷戡滌瑕緇更殳取鍛清流甚者默奉禁儀如農夫之望歲泊乎我上踐極鴻口

西化天下熾焉且福田寺者梁天鑒年中之建號比雖暫墜前蹤今進后跡有洛山離塵禪口師之門人性常早傳師印致遠深旨目睹葦殼敷昇浮榮斗藪塵機得

獲三昧寒灰毳縷不味馨羞善引三車昏徒盡悟發荆
臺樹似箭從茲悟卽色而空達有作而無作於茲寺造
長廊三十餘間又建弥勒院未經重序朱軒素壁周迴
奪目布邑沸騰艾稚咸訝闔寺僧徒與檀越話議殿廊
旣成三門未立誰能爲哉若弗斯人荏苒甲子同辭啓
白師納來心頃刻之間千里早應車騎爭至繒紈上服
異器名珍將投起阜遂俾市材礎擇良工日驟其績可
分二秋工人告畢峩峩然且門闢三道梵典彰然劫終
如來以禦邪禳今飾殊常卽師之新意簷綴珠網籠鴈
棋之聯飛瓦作翠鴛接清風之迅翼丹楹刻楠藻暈閒
扉地甃瑠璃四垂金鐸挂風箏而動韻稟律呂與天籟
之齊音鳴鐸琤琕擬響震非非之想且德化遐分狀秋天
之朗人思仰睟豈異大鑒之化行夙夜讚揚聲走寰瀛
之外遂邑之信士迨乎前績竊想歲更寒暑遷迭若弗
繕錄湮沒其由今蓋庀略使深於代厥有徒衆僧之佳
号及一境檀郵師今咸列姓字於虹梁之上知新學劣
詞荒確乎不拔利之不利俟時而進有命爲文迺持筆
書之將刻於石咸通壬午之三年九月十有一日記

南嶽李少鴻書并篆兼鐫

前寺主僧會增

寺主僧從約

上座僧德贊

都維那僧惟貞

都勾當立碑僧惠圓

按雲都縣唐書地理志屬江南西道虔州南康郡
福田寺今謂之明覺寺江西通志明覺寺在贛州
府雩都縣西門外即福田舊在大昌村梁天監中
建唐開元遷今所碑云天監建號鑒監通用也而
開元遷今所碑未叙及碑云斗藪塵機斗藪與抖
藪抖藪通用揚子方言東齊曰鋪頌猶秦晉言抖
藪也郭璞注謂抖藪舉索物也集韻亦云抖擻舉
索物也碑云僧之佳號及一境檀那師咸列姓字
于虹梁之上此即後世題梁之所昉記作于咸通
三年壬午然云咸通壬午之三年則倒置而冗矣

龍華寺窣堵波塔銘

石高一尺六寸五分廣一尺九寸五分
二十二行行十八字正書在咸陽縣

窣堵波塔銘

并序

布衣高墉述并書

夫性本聰敏執心謙沖推善讓人曾不自伐事鄉
鄉曲欽承理家道而家道篤睦者厥有周文王毛

裔國內國崇之昆季也仁孝並舉義讓克修雖古高柴
田真難可將比焉 祖立職轅門妙閑弓矢正直在已
匡救邦家吾 君賞其勲勞延及後嗣 父敬承先祀
相紹無差上令下從罔墜基緒書曰功加于時德垂後
裔斯之謂歟暇日昆季議曰 阿翁遺意保厥孫謀
衣食粗充心思上報既而上下協睦同望勝因乃召匠
選石施功琢削磨礪既就崇塔波是日功終立于營
所其地則北視橫山南鄰畢陌東西逾遠故号洪川意
望將此勝因資及 七代先靈并亡兄姊妹等願神
識不昧得覩真容弥勒佛前親承 聖旨現存孫息

眷屬等福樂無窮壽等青山福同滄海願法界衆生普
霑此福乃爲銘曰

天雖高方尺寸可知地雖原方里數可期海水深方毛
滌記之大地廣方微塵无遺烏兔交方四時有盡立窣
堵方福布无涯

時咸通五年歲次甲申八月乙卯朔廿六日庚辰建
立

右窣堵波塔銘布衣高壩述并書案釋元應一切經
音義云寶塔諸經論中或作蘇斗波或作塔婆或
兜婆或言偷婆或言蘇偷婆或言脂帝浮都亦言

提浮圖皆譌略也正言窳觀波此譯云廟或云方壘
此義翻也案元應以窳觀波爲正此又作堵譯音元
無定字也窳堵波與塔卽非二物此題云窳堵波塔
重複無當蓋唐人不知梵義者爲之耳予嘗謂古無
塔字唯葛洪字苑有之云佛堂也音宅合反見一切經音義
据元應所述諸文斗也兜也帝也觀也皆與荅聲相
近釋教初入中國塔婆字本當爲荅後人增加土旁
而稚川承之其音爲他合切者又卽偷婆之轉聲也

潛研堂金石文跋尾

按碑云周文王毛公苗裔通志氏族略毛氏周文

王之子毛伯明之所封世爲周卿士食采于毛子

孫因以爲氏又云漢有毛公治詩趙人也此碑所

稱毛公卽謂毛伯明泛言公耳碑叙國內國崇之

祖父不著其諱祖立職轅門立職當是列職妙閑弓矢是

武職也而不詳何官云父敬承先祀相紹無差是

無官者矣碑云其地則北視橫山南瞻畢陌太平

寰宇記畢原亦謂之畢陌長安志畢原在咸陽縣

北三輔故事曰文王武王周公皆葬畢陌南北關

中記曰高陵北有畢原陌元和郡縣志畢原無山

川陂湖亦謂之畢陌陝西通志成陽縣寺觀無龍

華寺所謂宰堵波者已無攷矣碑云福樂無窮福樂二字初見下云壽等青山福同滄海亦後世善頌之詞所昉也銘云毛滂記之毛滂二字見地藏經云一毛一滂一塵一沙蓋毛同毫滂同滴也

後魏昌黎馮王新廟碑

碑連額高四尺五寸廣二尺四寸五分二十四行行三十二字正書額題後魏昌黎馮王新廟碑九字篆書在偃師縣西三十里舖北

後魏洛州刺史侍中兼太師昌黎馮王新廟碑

十二代孫鄉貢進士龔德述

弟進士龔度篆額

弟進士龔錫書

王諱熙字晉國冀州長樂人也伯祖諱跋建國北燕傳位於昭成皇帝諱驪卽王之烈祖也魏太武帝滅

北燕徒其家屬於代

王以帝者子孫遂交婚於魏

室魏文成帝納

王妹爲后卽文明太后是也

王尚博陵長公主以敦慎博愛歷事三朝累拜冠軍將軍侍中中書監太傅太師之任進爵昌黎王及魏孝文帝卽位前後取王三女其二爲后一爲昭儀文明

太后臨朝

王以師傅之重寵極禁臺內不自安求

外任爲洛州刺史侍中太師如故洛陽經求嘉大亂之

後宮寺毀廢

王爲政仁恕而酷信釋教凡出俸祿

於諸州鎮建佛圖精舍合七十二處今之廟地舊建北
邨寺乃其一也今佛圖基址尙存其寺碑文中書侍郎
賈元壽所製孝文每登寺讀碑佳歎不已後徵歸代遇
疾而薨屬遷居洛京遽詔有司爲辦喪事公主先薨命
開其墓併二柩俱向伊洛皇太子赴代迎吊將葬贈假
黃鉞侍中督十州諸軍事大司馬太尉冀州刺史加黃
屋左纛備九錫前後羽葆鼓吹有司奏諡曰武孝文爲
撰誌銘纓服親臨墓所以前魏書備載其事但不言封
樹之處及廟立之由墓與廟當不相遠也其廟豈州人
思王之德衆所建乎不然寺沙門所置也至今爲
洛北之望祀年代濶遠雖性窄日享而室壁彫頽大中
六年六月洛之豪族孟州長史焦宗美特捨家財大新
厥宇兵衛儼列廟貌益崇愚別墅寄温谷川東走十里
直抵王之廟每見遠近里社坎鼓吹管以趨之及問
王之名位爵邑皆失其傳乃乘暇謁拜碑版堙滅
莫識何從退尋家諫考於魏史是知卽愚之
代祖也伏念甘棠勿翦邵德實思若非績化深洽民心
卽何能五百年之後而血祀不絕乎恐盛烈沉翳無復
彰明不敢多文遂斷石重紀

大唐咸通八年歲次丁亥十一月壬子九日甲辰刻
十二代孫麤規 麤貺 麤範 麤質 麤靜并
前八人同建立

孫璋鐫

按廟碑為馮熙十二代孫元德等八人斲石重紀以
好事者搨摹不及石幸得完好其文序列馮熙事跡
並依魏書然攷熙本傳熙長樂信都人今碑則云冀
州長樂人元德所述蓋以唐地理為據非其實也又
碑言洛陽經永嘉大亂之後宮寺毀廢質之傳文洛
陽雖經破亂而舊三字石經宛然猶在熙與常伯夫
相繼為州廢毀分用大至頽落則石經收沒熙實為
首俑而碑惟以求嘉之亂歸於兵火焚棄嗚呼此豈
足以蓋厥愆與傳載熙為政不能仁厚而信佛法碑
反言為政仁恕其過為曲諱尤不可掩者余故備著
之以見子孫溢美之詞非其實也 偃師金石
遺文記

右碑大略未王之名位爵邑皆失其傳碑板埋滅莫
識何從退尋家牒攷於魏史知卽愚之十二代祖是
則神之名字本無可攷特出於元德輩之傳會耳熙
以外戚貴盛本無才能其在洛取人子女為奴婢有
容色者幸之為妾号為貪縱營塔寺多在高山秀阜

傷殺人牛有沙門勸止之熙曰成就後人唯見佛圖
焉知殺人牛也此其為政豈有功德及人而能廟食
百世者馮君之名不傳後代要當疑而闕之若執此
誣妄之詞以為左證非勸善之義矣碑末題十一月
壬子九日甲辰尤為舛謬若壬子為月朔日則九日
是庚申非甲辰若甲辰是月之九日則朔日當是丙
申且壬子在甲辰之後不應倒置若此攷溫公通鑑
目錄推是歲十一月果是丙申朔可據以正碑之誤

潛研堂金石文跋尾

按偃師縣志有寺有廟皆稱馮王寺在北邙山洛陽伽藍記北邙山上有馮王寺北史馮熙傳北芒寺碑文中書侍郎賈元壽詞孝文頻登北芒寺親讀碑文稱為佳作云云今碑亦有此語碑又云今之廟地舊建北邙寺是北邙寺乃馮熙所建佛圖精舍七十二處之一而其後乃建馮王廟也縣志云廟在縣之義井舖俗曰馮王廟即北魏平等寺也寺重修于北齊太宰馮翊王高潤土人誤稱馮翊為馮異遂呼為馮王廟又去兩點旁曰馮王廟是馬王為馮王之訛而此馮王是指馮翊與馮熙之稱馮王者別且廟是平等寺基與馮熙建北邙

寺基者又別碑云熙卒孝文爲撰誌銘魏書備載其事但不言封樹之處及廟立之由墓與廟當不相遠也稽之偃師縣志載馮熙墓在縣西三十里舊志在鳳凰山上劉家坡保內今有碑人以爲馮異非也熙三世后戚以功封昂黎王爲洛州刺史有功德于民故廟祀之是馮王廟在馮熙墓前墓在鳳凰山與邙山相近此廟正卽北芒寺基與平等寺之馮王廟誤以馮翊爲馮異者別掘志語則偃師人不獨誤以馮翊之馮王爲馮異且誤以馮熙墓亦爲馮異矣碑云王諱熙字晉國

北史傳同魏書作晉

冀州長樂人魏書北史傳皆作長樂信都人蓋

冀州在漢爲信都國在魏晉爲長樂國後魏齊周皆爲冀州長樂郡治信都縣故冀州長樂與長樂信都異而同也唐書地理志但有冀州信都郡信都縣之名而無長樂偃師金石遺文記謂爲元德所述以唐地理爲據者亦未然也碑所叙熙事大都本之魏書北史故語多與兩傳合碑云愚別墅寄溫谷川東走十里直王之廟檢偃師縣志山川卷內無溫谷川之名惟有鄆水一名鄆谷水在縣東北十一里一曰溫泉活地志溫泉卽鄆谿出洛

州鞏縣西南四十里明一統志鄆谿其源有二俱在邛山之麓似卽碑所謂温谷川也碑書壺作臺別體字其自稱曰愚亦始見于此末云歲次丁亥十一月壬子九日甲辰据碑壬子無朔字則壬子非朔也唐碑曾有書月建而不書朔者丁亥歲十一月是建壬子也

劉遵禮墓誌

石高廣俱五尺九寸二分四十分行四十字正書蓋題唐故彭城劉公墓誌銘九字篆書在西安府

唐故內住宅使銀青光祿大夫行內侍省内侍員外置同正員上柱國彭城縣開國子食邑五百戶賜紫金魚袋贈左監門衛大將軍劉公墓誌銘

并序

翰林承旨學士將仕郎守尙書戶部侍郎知制

誥賜紫金魚袋劉瞻撰

中散大夫前左金吾衛長史兼監察御史崔筠書并

篆蓋

公諱遵禮字魯卿帝堯垂裔實分受姓之初隆漢敦興更表昌宗之盛靈源弥遠瑞慶斯長史不絕書代稱其德曾祖諱英皇任游擊將軍守左武衛翊府中郎將韜鈴奧術倜儻奇材運阨當年位不及量僖伯有後累生英賢烈祖諱宏規皇任左神策軍護軍中尉特進

金石錄卷一百一
行左武衛上將軍知內侍省事贈開府儀同三司楊州
大都督沛國公佐佑 累朝出入貴仕文經武略茂績
嘉庸著山河勲銘金石 訓傳令嗣慶集 德

門卽今 開府儀同三司內侍監致仕徐國公名行
深也公卽 開府第五子 穎悟於齠 亂溫克於

童蒙孝敬自稟於生知思恪允符於夙習爰當妙齒卽
履宦途以寶麟二年入任重位要權爭用爲察案資鴻
漸之勢俟麟角之成雍容令圖遜讓美秩開成五年方
賜綠授將仕郎掖庭局宮教博士充宣徽庫家地密務
殷選清材稱舉止有裕階資漸登會昌元年授登仕郎
四年授承務郎常在 禁闈日奉 宸扆皆貴游之

子弟爲顯仕之梯媒清切無倫親近少比特加命服仍
領太醫六年賜服銀朱加供奉官轉徵仕郎內僕局令
充監鑿官院使親承 顧問莫厚於宣徽榮耀服章無
加於紫綬其年六月授宣義郎改充宣徽北院使十一
月賜紫金魚袋階秩表仕進之績爵邑列 恩寵之
榮旣屬上材因降 優命大中二年授朝散大夫彭城
縣開國子食邑五百戶密侍右遷樞軸備選邊防經制

略所先公論咸推 帝命惟允五年改充宣徽
南院使尋兼充京西京北制置堡戍使壇場設備今古

重難俾無奔突之虞用致煙塵之息凡所更作大叶機
且與能疇勞換職進秩其年使迴改大盈庫使旋授宮
闈局令夫良弓勁矢武衛戎裝器号魚文名掩繁弱帑
藏之貯進御是須多資峻嚴以緝要重七年改內弓
箭庫使又以上田甲第職夥吏繁禁省之中号爲難
理苟非利刃寧惣劇權八年改內住宅使出護戎機實
爲重寄受歷試之選膺貞律之求爰以周通遂俞推擇
九年改充海監軍使共綏武旅旁協師臣儻非其材亦
罕濟用雅聞懿績更莅碓藩十二年改鄆州監軍使出
入之且勞逸是繫履踐之美重杏爲優十三年赴闕
明年授營幕使其年再領弓箭庫使咸通元年十二月
轉掖庭令雲螭注產驥子龍孫當星馳電逸之場列中
皂內閑之藉寶鞭玉勒足踈首驤繫於伯樂之知懸在
伏波之式鑿精事重匪易其人三年遂授內飛龍使休
聲益暢睿渥弥敷進於崇班示以懋賞四年授
內侍省內侍地控西陲任當戎事思得妙略冀絕邊虞
五年改邠寧監軍外展殊勲內缺要務人思舊政
主洽新恩七年復拜內住宅使顧遇益隆兢謹愈
至將申大用先命崇階八年授銀青光祿大夫嗚呼
得君逢時材長數促性命之際賢哲莫窮咸通九年孟

夏遘疾 優旨許歸就鑿藥鍼砭無及湯劑徒施莫逢
西域之靈香遠歎東流之逝水以其年六月十四日薨
於來庭里私第享年五十三八月五日 詔贈左監門
衛大將軍竊惟 開府以仁誼承 家用忠貞事
主德齊高華量廣滄溟便蕃顯榮洋溢功業掌鈞軸則
弥縫 大政綰戎務則訓齊全師勤以奉公寬而濟衆
書于史冊播在 朝庭故得朱紫盈門輝光滿目 公
之仲季時少比倫並以出入之材各奉趨庭之訓優秩
佳職後弟前兄而 公不享遐齡豈神之孤衆望也是
以 開府惋惜輒極悲懷 夫人咸陽縣君田氏四

德咸臻六姻共仰婦道克順母儀聿修有子四人長曰

重易給事郎內侍省內府局丞次曰重允宣徽庫家登
仕郎內侍省奚官局丞又其次曰重益曰重贖並已賜
緣皆以孝愛由已明敏居心在公處私克守 訓範以
似以續家肥國華今則喪過乎哀悒焉在疚宅兆既卜
日月有時十一月八日薨哀奉 喪窆于萬年縣崇義
鄉澹川西原禮也佳城永闕 昭代長違生也有涯
前距百齡纔及半死如可作後游九原當與歸瞻叨職
內廷特承 宗顧刊刻期於不朽叙述固以無私銘

曰

積德之孫 大勲之嗣 允文允武 有材有位 既
遇 明時 將膺 寵寄 樞機之任 咫尺而至
命不副才 期而爽遂 崇崇德門 旣旣令子 垂
裕後昆 流千萬祀

鑄玉冊官部建初刻

誌近出土完具無缺劉君諱遵禮字魯卿自筮仕至
終沒皆兼使職撰文者劉瞻新唐書有傳云劉琰執
政薦爲翰林學士拜中書舍人進承旨出爲河東節
度使咸通十一年以中書侍郎同中書門下平章事

宰相世系表
作咸通十年

今誌瞻題銜翰林學士承旨守尚書戶

部侍郎與世系表合而守尚書戶部侍郎傳未之及
得此則詳略足備也書方勁似柳誠懸

授堂金
石跋

按碑云開成五年方賜綠六年賜服銀朱重益重
則並已賜綠唐書車服志唐初服色之制一命以
黃再命以黑三命以纁四命以綠五命以紫腰帶
之制五品以上服小科綾羅色用朱飾以金六品
七品服用綠飾以銀文獻通考引畢仲衍中書備
對冕服條下袴褶注云紫緋綠各從本服所謂紫
緋綠卽後來之公服而非祭服朝服也唐制衣服
之色可攷者祇此碑稱賜綠大約是賜四命之綠

而云銀朱者似卽前李輔光朱孝誠等碑所謂朱
級銀章之賜其等蓋亞於金紫銀青者也然銀朱
二字連用屢見此碑

曲阜文宣王廟記

碑連額高五尺九寸五分廣三尺七分二十六行行
四十四字額題新修廟記四字並正書在曲阜孔廟

新修曲阜縣

文宣王廟記

攝鄆曹濮等州館驛巡官鄉貢進士賈防撰

皇帝御寓之十年歲在己丑

夫子三十九代孫

魯國公節鎮汶陽之三載秋霜共凜冬日均和里閭無
桴鼓之聲耆艾有袴襦之詠道已清矣政已成矣於是

瞻故鄉以徘徊想

廟貞而怙悵乃謂僚佐曰伊

子

聖祖寔另儒宗英靈始謝於衰周德教方隆

於大漢爰因舊宅是構

靈祠粵自

國朝屢加崇

飾文棖繡桷雖畱藻繪之功日往月來頗有傾摧之勢
故老動淒涼之思諸生興嗟嘆之音今忝鎮東平幸迓

鄉里雖無由展敬而敢忘修營旣而飛章

上陳請以

私俸葺飾由是命工庀事飾舊加新泐句之間其功乃

就門連歸德先分數仞之形殿接靈光重見獨存之狀

睇容穆若更表溫恭列侍儼然如將請益丹楹對聳

還疑夢奠之時素壁口標宛是藏書之後槐影疎而市

晚杏枝暗而壇孤不假大夫幽蘭自滿無煩太守刺草
全除稷門之舊業俄興闕里之清風再起既可以傳芳
萬古亦可以作軌一時且開闢以來霸王之道言其德
也莫踰於湯武語其功也無尚於桓文墳土未乾而正
壝已平子孫縱存而蒸嘗悉絕

夫子無尺寸之
地微一振之衆修仁義者取爲規矩肆強梁者莫不欽
崇生有厄於棲遲歿居尊於南面而樵蘇莫採廟貌長
存道德相承簪裾不絕則

夫子之道既可章於
積善 魯公之德寔無愧於聿修防日覩 靈蹤躬
壽 盛績仰 聖姿而如在歎 休烈而難名承

命紀功讓不獲已刻諸貞石深愧菲才謹記

請修兗州曲阜縣文宣王廟

右鄆曹濮等州觀察使孔溫裕奏伏以禮樂儒學教
化根本百王取則千古傳風國朝鑿闢文明遵尙祀
典不違古制大振皇猷今曲阜縣乃魯國故都文宣
廟卽素王舊宅興儒之地孕聖之邦所宜廟宇精嚴
禮物具舉近者以兗州頻年災歉都廢修營徒瞻數
仞之牆纔識兩楹之位雖春秋無闕於釋奠而揖讓
頗紊於彝章遂使金石之音靡聞於聆響俎豆之設
嘗列於荒蕪聖域儒門豈宜埋墜臣忝爲遠裔叨頌

重藩咫尺家鄉拘限戎鎮望闕里而無由展敬瞻廟
貌而有願與功臣今差人賁持料錢就兗州據廟宇
傾毀處悉令修葺皆自支費不擾州縣所口獲遂幽
懇克申私誠伏緣兗州非臣本界須有申奏伏乞
天恩允臣所請無任惴迫屏營之至謹具如前
申書門下
味郵曹濮觀察使
牒奉
勅鄒魯故鄉俎豆遺教文武之道未墜
於地温裕雖持戎律宛有家風屬兵車之方殷飾正
門以鹽教糶新敷仞廟設兩楹盡出私財不煩公用
綽有餘裕益見器能已賜嘉弊餘宜依仍付所司
至准
勅故牒

咸通十年九月廿八日牒

咸通十一年三月十日建

碑側

咸通十年九月十四日鄆州勾當重修廟院同散將

畢叔建

四十六代孫宗亮

舊名

宗翰俱策進士第嘗奠謁

祖聖謹志其時皇祐五年六月日宗翰題

温裕孔子三十九代孫能以私俸奏請葺廟宜蒙嘉

獎矣碑賈防撰文聊略未稱書者無名氏而亦有顏

清臣柳誠懸遺意不作惡札

石壘 鐫華

案孔溫裕奏請修廟事在咸通十年九月廿八日勅
牒准行至十一年三月始建此碑兩側先有咸通十
年九月畢叔題名何邪溫裕附舊唐書父弒傳位京
兆天平軍節度使又見孔紆墓誌載父溫裕節制天
平軍徵拜司戎貳卿今碑述溫裕自云忝鎮東平唐
書地里志鄆州貞元四年曰東平大和四年曰天平
史就現名書之徵其實碑以舊名書之存其跡義皆
可通也碑側四十六代孫宗亮宗翰題名宗翰乃道
輔之次子宋史附道輔傳但云登進士第以此碑攷

之當是皇祐五年也

山左金 石志

按新唐書孔溫裕傳大中四年官補闕時党項為
邊患發兵討之連歲無功溫裕上疏切諫帝怒貶
柳州司馬累遷尚書左丞天平軍節度使鄆曹濮
等州觀察使傳不載其爵魯國公碑不詳其官尚
書左丞皆可取以互證也碑側四十六代孫宗亮
宗翰題名宋史附道輔傳稱宗翰登第後知仙源
縣為治有條理今碑不言知縣事殆題碑之時猶
未到官也宗亮先以慶歷五年知仙源縣事八年
孔彥輔代之皆碑所未詳及者碑云槐影疎而市

晚杏枝暗而壇孤唐宋諸碑從未有及槐杏者惟見此碑今曲阜孔廟詩禮堂庭中有唐槐一本枯槎一片度木架之槐之右有大杏樹一本二樹皆可千年物或卽碑所云也奏狀云金石之音靡聞於勝蠻碑借作盼響燦勅云飾邱門以宏教蓋卽孔門此二字已見夫泉寺新三門記此勅亦云然當時習用之語也

孔紆墓誌

石高廣皆三尺二寸六分三十九行行四十字正書在榮澤縣

唐故左拾遺魯國孔府君墓誌銘

并序

鎮海軍節度掌書記將仕郎殿中侍御史內供奉賜

緋魚袋鄭仁表撰并書

咸通十五年三月

侍講學士右僕射太常孔公

以疾辭

內署職其元子左拾遺養疾亦病逾二旬

太常公疾少間

拾遺疾亦間又旬日

太常公薨

拾遺哭無時後七十六日亦終嗚

呼求諸古未聞也仁表與

拾遺同歲爲東府鄉

薦策第不中等再罷去明年偕宴於東堂宴之日

博陵崔公薨出紫微直觀風甘棠下表爲支使拔芸

閣書

拾遺始及第乞假拜慶新進士得意歸去

多不伏拘束假限往往關試不悉集貢曹久未畢公事
故地遠迨二千里例不給告時僕射太常公節

制天平軍以是勤不得請拾遺曰人之多言必

以我爲宴安訖春不宴年少乘喜氣赤春頭竟不對狎

客持一盃酒人以爲難關試日都堂中措別同年徑出

青門外經所爲從事州入院判案十日東去府適罷賢

諸侯爭走羔鴈馳弓旌竟不能致徵爲渭南尉直廨

文館久之會大學士出將去聲竟不就僕射太

常公罷鎮居洛中拾遺伏安定省不嘗言仕

宦旋以萬年尉復怙文職無西笑意僕射徵拜

司戎貳卿拾遺由侍行乃赴職越一月今許

昌太傅相國襄陽公爲河中奏署觀察判官假監察御

史故事赤尉從相府得朱紱殿中公昆仲間有

未至者求裏行官不改服色人人美譚之俄轉節度判

官從知之道皎然明白和不柔守而通內盡匡補而

外若不知相君待之異禮俄拜左拾遺內供奉鳴

呼止於是何也春秋始卅三矣惜哉公至性自生

知雖欲全其禮傳於後開強忍抑不能俯就始得疾不

言於人因嘔哭若絕左右始知有病句甚矣臥望室

中不復進饋餌疾益亟方肯歸常所居舍悉召骨肉迨

僕使唯言

僕射公葬時事指揮制度必以古禮

戒誨約束委曲備悉左右皆泣

公曰吾平生無

纖小不是事天報我甚厚使亟得歸

侍地下尔盍

賀而返以泣耶吾自逐性不能無傷生全大孝送終設
祀且益儉削無以金鈔纖華爲殉無以不時之服爲殮
吾幼苦學尤嗜左氏傳所習本多自讎理宜置吾左右
友人鄭休範多知我所執守相視若親弟兄我亦常以
所爲悉道之請以誌我彼不能文必盡其實言竟撫弟
妹若將千百里爲別者視妻子若將一兩夕不面者而
怡然其容如有失而復得已而終嗚呼其喜歸以侍

乎公謝世之月餘日前與二季處閣室中忽援毫書

廿八字於室內東展之上若隱語而加韻焉曰許下無

言棄少年震而不雨月當弦風濤涓逆餘鯨沒從此無

舟濟大川初玉季載孝其義莫究指歸旣痛絕手足若

洗然而悟曰許無言是午字今歲在午也震不雨是辰

字其哀瘵至甚移歸院就醫是辰日及奄然之日驗

於官廳是上弦日又應月當弦之識也吁似有所潛受

於冥昧間何懸知之若是也憶於洛陽里第始相與定

交人與公曰何以契我余曰死患難先祿位託孤寄

命同休共感此義交也見善相勉也見利相遠也言之

而必行守之而必固一足離此則攻而絕之使處世爲
匪人歿身無怨言斯益友也余將與吾子契之自是過
必相攻善必相激相成如恐失相畏若臨敵雖朝夕共
行止人不以爲朋比亦君子之能賢善誘也嗚呼
公之文之學之精明道行如雷聲日光無耳目者則
不知也 公之訃始聞人人如有亡碩生鉅賢心
死氣脫道之不行也天何心焉 公諱紆字持卿

魯司寇四十一代孫繼承承世濟不墜聞生傑出
磊落相望 曾祖岑父皇任秘書省著作佐郎贈
司空 祖毅皇任禮部尚書致仕贈司徒中 父溫

裕皇任檢校右僕射兼太常卿充翰林 侍講學士冊

贈司空 皇妣河東薛氏族大而顯先 司

空公廿八年卽世 公娶京兆韋氏山東清甲家

也有二子男曰鐵婢始十歲甚肖似憶與 公約

生子命名必如兄弟愚之子曰後魯他日鐵婢當以還

魯字之易云積善之家必有餘慶善之教必闡於道儒

釋釋固無嗣 皇家 公家道儒之餘慶也

公又賢而無祿其後益大以昌女少於男銘曰

嗟嗟 夫君 嗟嗟 夫君 孔聖遺塵 顏

回後身 高高者天 幽幽者神 幽幽不見

高高不聞

不見不聞

又何足以云云

右左拾遺孔紆墓誌紆曾祖岑父贈司空祖戮贈司徒父温裕檢校右僕射兼太常卿充翰林侍講學士贈司空皆史所未載紆字持卿而宰相世系表作侍卿刻本之訛也紆嘗為左拾遺有子小字鐵婢表亦不載紆未沒前月餘書二十八字於東辰上若隱語者唐人小說未有及此事者僖宗以咸通十四年七月卽位至明年十一月始改元乾符故咸通得有十五年也

潛研堂金石文跋尾

碑中出將下傍注去聲二字金石未有其例又云公

謝世忽援毫書廿八字其事甚奇異紆為左拾遺而稱公孔融稱康成為鄭公漢書亦多稱人為公是相重之詞近人作碑志執非三公不得公之論嫌其太拘也韓愈撰有正議大夫尚書左丞孔戣墓志銘云葬公於河南河陰廣武原先公僕射墓之左是紆數世皆葬于此撰人鄭仁表滎陽人有贈妓僊哥及洛真詩又有經過滄浪峽長亭走筆題句俱見全唐詩

中州金石記

誌為鄭仁表撰書仁表附舊唐書鄭肅傳云仁表擢第後從杜審權趙儻為華州河中掌書記人為起居

郎以此誌推之尚帶殿中侍御史內供奉及誌後叙孔紆囑友人鄭休範為誌休範即仁表字也史並缺書誌載仁表自叙與孔君同歲為東府鄉薦策第不中等罷去明年宴于口口宴宴之日博陵崔公蕘出紫薇直觀風甘棠下蕘本傳中書舍人後出為陝州觀察使即記云觀風甘棠下也又叙新進士得意歸去多不伏拘束假限往往閱試不悉集貢曹久未畢公事故地遠迨一千里例不給口假唐摭言載唐一代進士之制未錄及此也又載故事赤尉從相府得未級殿中此縣尉得侍御史之由史志並缺錄誌內出將句旁注去聲始知有病旁注句字甚矣旁注句字皆金石例所無授堂金石跋

按此碑撰書者鄭仁表書譜不列其名兩唐書皆附見鄭肅傳肅之次子新傳稱其累擢起居郎舊傳稱其擢第後從杜審權趙騰為華州河中掌書記人為起居郎誌結銜云鎮海軍節度掌書記將仕郎殿中侍御史百官志起居郎從六品上節度使掌書記一人未詳品數將仕郎從九品下殿中侍御史從七品下蓋仁表撰誌之年階從九品下官從七品下而充掌書記其人為起居郎則升

從六品上矣舊書杜審權傳咸通十一年制授檢校司徒同平章事河中尹充河中晉絳節度觀察等使趙隱附見趙隱傳隱弟隱咸通七年拜禮部侍郎御史中丞累遷華州刺史潼關防禦鎮國軍等使皆在咸通十一年以前之事至誌所結銜爲兩傳所不書鎮海軍節度掌書記不詳爲何人所辟方鎮表鎮海軍隸浙江西道始置于元和二年其後屢經廢置至咸通十一年廢而復置仁表之掌書記在鎮海軍初復之時蓋由河中而遷也據宰相表十五年二月癸丑趙隱檢校兵部尙書鎮海軍節度使仁表當爲趙隱所辟矣仁表字休範兩傳不書而全唐詩有之孔紆則兩書皆無傳誌云公娶京兆韋氏山東清甲家也清甲二字未詳紆只一子鐵婢而云二子者女亦爲子也此誌撰者自稱或余或愚不一蓋漸有不署其名者矣

魏公先廟碑

碑上下殘缺現存者高五尺五寸五分廣四尺三寸六分三十六行字數無考正書

上缺判戶部事上柱國賜紫金魚袋魏公先廟碑銘序

上缺國博陵縣開國子食邑五百戶賜紫金魚袋崔

璵纂

上缺 柱國河東郡開國公食邑二千戶柳公權書并篆額

上缺 特進侍中贈太尉鄭國文貞公魏氏在貞口立家

廟于長安昌樂里後二百世五年有來口口 缺 歲既協

于口口帝道化光洽前此 詔贈先口口口侍御史口

君為吏部侍郎先夫人南陽口口口 缺 姓曰吾惟聖訓

祭器不假宗廟為先今吾口口德慙前人而口位卿相

歲時尚祭寢缺然崇祀口口 缺 廟而新之則流光歸

列祖雖然吾非達禮必稽于有司口口太常順考禮令

酌損前文口勲勞口口 缺 考公於是靖端虛中列上感

疾既獲 俞命口口口口口口口口書練時日口工興

事陶斲築口堅口口 缺 物宿設助祭夜鼓四通公祇祓

夙興纓冠鳴玉入進于位賓親就口祝史贊導虔奉

祖考鄭公口口口口 缺 部府君諱馬口神主第升于室

室上口口以 祖考妣鄭國夫人口東裴氏皇考妣河

東裴氏王考妣口 缺 口之事既成而退他日使門吏

左補闕鄭愚口謂璵曰其滌慮虔思口教以移忠 忠忠

以致位因位以口口口 缺 詳求能敵予之重託者宜莫

如子璵聞命震悚即走相君之門固辭不獲歸次其世

冑德行官業垂承烈休口 缺 文侯能師聖門人而不好

古樂故風頹而不得口五伯至無忌不口口而封信陵
 與齊趙楚公子相矜奮口口缺派緒滋廣因自別為西
 祖暨諸戎盜華晉鼎凌口口口遷廿仕口口頓丘四
 仕之孫曰釗樹勳捍難為口口缺懷忠亂朝直封誼政
 侵轢奸倖不容於時出長屯留口無愠色或有口詞致
 請者方激發愾吒志氣擯厲口口缺屬時濁昏劾勦西
 東懷竒含耀濡足口晦竟逢大晨助日口口
 龍攄鳳鳴為祥輔昌口我缺口見國書為臣

克配於國享為祖不遷於家祀雖童子婦人亦口口
 口口口口口口府君諱口院祈訓缺口潛於仕次為

顯考以相國位猶滯於三品室未備數尚口孝思司
 業口潁州府君是為第口室缺口之跡口口口口宜
 孰歸第三室河西府君天資恢口抱器卓邁口無不通
 而以先德實嘗口口口口口口缺司成師儒道光教
 源益口口口口殘躡狼藉牛空於犒耕無以力乃用古
 口口口口犁作為區口歲大有口宿秉口口缺積慮洽
 聞業履無忝命塞不口口蔽罪無頗邑長獲申剛中
 特操前無口口口是舉出為口口猗氏令人咸為口
缺於時為邑南陽當希烈猖獗之餘邑口口機難口口
 中口口立德無方而口口口口蘊之華藻當時賢口逖

聽風□□缺長有為中貴人干政者違言交肆

□□□□名拜大理司直□□□□小大時當性

不苟合□□當官□缺四室即吏部府君渾粹秀發識

洞元□□□□□□□□□□北西廿無□□□□沒

振謂天道□□相□永之□缺遷始以大理評事兼

監察換殿中侍缺鄭公忘勞大伐為缺可朝聞夕拜疏

視□缺文宗益欲寘於側即□缺終始一德命求昆裔

期肖前人以缺上書草充溢囊篋使好事者得之皆缺

索將勇□整易干城之不材者蚤缺故會昌中權倖惡

忌擠之外郡間□缺材以成之厥後綿歷祀業為他人

□□缺征兼領邦憲間歲進陟公台仍專缺中被袞朝

天又嘗故廟奉時□□□缺之舊宅求與里肇卜奠

觀缺猗猗後為右補闕至公恭守□缺爰操璧□

皇□廓端□□缺銘石於麗牲其烝夷之志歟缺

□居第奉祠不敢□為袞職舊官□缺孔昭厥緒益

遙人爵或替缺□綏掇錫□□□□□考私□□報缺

魏還祖居旌直□恩購缺

缺□聞躬潔裸羞俎折缺

缺□□□□□□□□

缺□□□□□□□□□□

缺

□□□□□□□□

缺

□猶在□□言之□□□

缺

右史入侍未嘗不□之

缺

□□□□□□□□

缺

征繕是圖□□□府大體

缺

□

缺

□維忠與孝可謂大備

右碑石裂為五其四石可次序末十行文不接續故

附于後

王濤記

按此碑殘缺標題但存判戶部事上柱國賜紫金

魚袋魏公先廟碑考其文則鄭國公魏徵之廟而

判戶部事不知何人唐書宰相世系表徵之子孫

中未有判戶部事者兩唐書徵之後惟五世孫謩

相宣宗傳甚詳而其子亦不言判戶部事然魏公

先廟始建為祀鄭公而重修則為祀謩碑云鄭國

文貞公魏氏在貞觀立家廟於長安昌樂里檢長

安志昌樂坊在京城朱雀街東第二街有太子太

師鄭國魏徵家廟大中中來孫謩為相再新舊廟

以元成為封祖元成者鄭公之字也則似廟為謩

所重修謩之新廟在大中中則碑亦當立于大中

年然以碑文證之文云貞觀立家廟後二百卅五年又云顯考相國位猶滯于三品室未備數顯考相國卽謂暮也暮官平章事在大中十年其卒在十二年廟之始建不知在貞觀何年據鄭公卒于貞觀十六年卽以是年爲始至二百卅五年爲僖宗乾符三年則長安志以爲大中新廟者未覈也碑文撰者崔璵結銜存博陵縣開國子璵傳載封博陵子在大中七年碑書鄭公爲祖考其下云皇考妣王考妣玩其文稱祖考妣者始封之祖也皇考妣者曾祖考妣也王考妣者祖考妣也其後所叙世次頗詳而文多缺泐不得見其全矣碑不能確定其歲月姑附咸通之末

謁昇仙太子廟詩刻

石橫廣二尺九寸六分高二尺廿五行行十七字正書在偃師縣南緱山下仙君觀

謁昇仙太子廟

在昔靈王子吹笙遡沈寥六宮攀不住三島互相招亡國原陵古賓天歲月遙無蹊窺海曲有廟訪山椒石帳龍虵拱雲樓彩翠銷露壇裝琬礪眞像寫松高珠館青章宴琳宮阿母朝氣輿仙女侍天馬吏兵調湘妓紅絲瑟秦郎白管簫西城邀綽約南嶽命媯媯句曲觴金洞

金石錄卷一百一
天台嘯石橋曉花珠弄藥春茹玉生苗二景神光秘三元寶錄饒霧垂鴉翅髮冰束虎章腰鶴馭爭御箭龍妃各獻綃衣從是瀟洗丹就日宮燒物外花常滿人閒菜白凋望臺悲漢戾闔水筭梁昭古殿香殘地荒堦柳長條幾曾期七日無復降重霄嵩嶺組天漢伊瀾入海潮何由得真訣使我珮環飄

余大中八年爲前渭南縣尉閑居伊洛常好娛遊春夏之交獨登嵩少路由緱嶺謁昇仙太子廟雲

霞之志於斯浩然遂構詩一章用申凝慕今者謬塵樞務已及四年忽覩成庶大夫奏牋請以

龔元廟李尊師配住賓天觀則知緱巖靈宇儀像

重新輒寫舊詩寄王公請標題於廟內軋符四

年閏二月三日開府儀同三司行門下侍郎兼兵部尚書平章事監修國史鄭畋記

朱長文墨池編有此詩詩爲五排字似石經體後有序云余大中八年爲前渭南縣尉又自署云開府儀

同三司行門下侍郎兼兵部尚書平章事監修國史按劉昫唐書鄭畋傳云畋字台文滎陽人也以書判

拔萃授渭南尉又云乾符四年遷吏部侍郎尋降制曰可本官同平章事僖宗上尊號禮畢進授中書侍

郎進階特進轉門下侍郎兼禮部尚書集賢殿大學士頗與碑合惟史誤兵部為禮部當以石刻正之傳又稱畋文學優深器量宏恕美風儀神采如玉尤能賦詩與人結交榮悴如一然則當益貴其詞翰矣中州

金石記

按鄭畋詩一首附記云余大中八年為前渭南縣尉閒居伊洛常好娛遊按新唐書畋本傳以書判拔萃擢渭南尉父喪免宣宗時白敏中令狐綯繼當國皆怨德裕其賓客並廢斥故畋不調幾十年然則畋自謂閒居伊洛蓋由此也又云今者謬塵樞務已及四年宰相表乾符元年鄭畋為兵部侍郎翰林學士承旨計此時標題之歲正在四年與史悉合畋崎嶇危難忠以濟主故得其詩記尤可喜也畋名殘其半然推證悉顯據而金石攷謂無姓名豈未見末幅耶詩

在昔靈王子

刊本在作有

三島互相招

刊本互作去縣志誤作却曉花

珠弄藥

刊本曉作晚

龍妃各獻綃

刊本妃誤作紀各作物合說嵩妃誤作飛

外花長滿

刊本長作嘗

嵩嶺絕天漢

刊本絕作連

今悉依石本

為正

復師金石遺文記

按鄭畋詩後記云余大中八年為前渭南縣尉舊唐書傳畋年十八登進士第二十二又以書判拔

萃科授渭南尉則其作尉時年僅二十二矣以畋
之卒年攷之舊傳云中和三年薨年五十九新傳
云卒年六十三若從新傳年六十三則生于長慶
元年當大中元年作尉時年三十四卽從舊傳作
五十九其作尉時年亦三十皆與年二十二之語
不合又記後結銜云乾符四年閏二月三日開府
儀同三司行門下侍郎兼兵部尙書平章事監修
國史宰相表乾符二年六月鄭畋爲門下侍郎四
年正月兼兵部尙書與碑合而兩傳則各不同舊
傳云乾符四年遷吏部侍郎同平章事僖宗且尊
號禮畢進加中書侍郎進階特進轉門下侍郎兼
禮部尙書集賢殿大學士上尊號事舊僖宗紀不
載新紀則在乾符元年十一月新傳云僖宗立以
兵部侍郎進同中書門下平章事再遷門下侍郎
無四年兼兵部尙書之事蓋紀傳碑表互異若此
不能定其孰是也

武安君白公廟記

裴本高廣行字皆不
計正書在咸陽縣

唐宣徽修造使隄

勅重口秦將武安君白公廟記

竊以武安君威靈振古術略超時播千載之英風當六

雄之鯨敵廟貌雖存於近縣詹 聖上思薨已甚於荒
涼念道蹤□□□令當司見膏冀存□美不泯歲時寂
裳□□劍珮嚴整倬尔 曰跡感發 宸聰劄
纜施堂宇光粲興功□畢禋祀備周刊石貞珉用資不
朽其所添置物色具列於後
舍大小共五十二間並□□□堂三間五架 覆堦三
間 三面行牆舍廿五間 獨間門屋一口 南行軛
子舍一十間 蓋頂木帳一所并堂前面沙子三間及
散博□□並創置

武安君捏塑重修裝飾及創置葦一顏并紫衣一口四
事□銅 腰帶魚袋并□裙褥一副生銅香爐一枚
木合一具

夫人捏塑重修裝飾及創置錦衣一幅四事并朝花
侍從二人捏塑並重修裝飾壁畫武安君及夫人并侍
從兩面音樂引隊軍將鞍馬等並重修飾 南面創
畫土番蠻奴各一人□堂門外捏塑軍將二人□畫捉
生官健及戟架弓箭器械並創置南廊下石押□影并
□□並重修畫堂兩面栽竹各一叢并□創置□西水
巷道創置零星門并鎖鑰八株舊有□□十三株新栽
廟內柏樹九十一株□

乾符五年歲次戊戌十二月一日記

監修承旨文林郎行內侍省掖口局丞員外置同正

員上桂國張師厚

使太中大夫行內侍省內侍員外置同正員上桂國

賜紫金魚袋田獻銖

廟在今咸陽東古杜郵起慘刻獨有將略耳亦祀至

今何也壁間記唐乾符五年重修事正書遒勁亦有

歐法知唐世官牒無不作佳書也記中所列添置物

色有眺子舍一十間沙子三間葦一顏石押衙影等

皆不可曉

石墨
鐫華

李克用題名

石高四尺四寸廣二尺四寸九行
行十九字正書在曲陽縣北岳廟

河東節度使檢校太保同中書門下平章事隴西郡王

李克用以幽鎮侵擾中山領蕃漢步騎五十萬眾親來

救援與易定 司空同申 祈禱翌日過常山問罪時

中和五年二月廿一日克用記

易定節度使檢校司空王處存看題

至三月十七日以幽州請就和斷遂却班師再謁晬容

兼申 賽謝便取飛狐路却歸河東廿一日克用

重記

天會十二年七月六日尚書都官員外郎知曲陽縣事高君陳摸刊

按舊唐書云時天子播越中原大亂幽州節度使李可舉鎮州節度使王鎔以河朔三鎮休戚事同惟易定二郡為朝廷所有乃同議攻處存以分其地又云幽鎮兩藩兵甲強盛易定於其間疲於侵寇賴與太原姻好每為之援即其事也又按宋沈括筆談云嶽祠在曲陽祠中多唐人故碑殿前一亭中有李克用題名則知此字乃當時所刻或毀於靖康之兵火而金人重刻之今石也然克用將門之子何能工於筆

法乃爾豈亦如宣和書譜謂後梁太祖批答賀表當是筆吏所書之類與

金石文字記

曲陽縣北嶽廟有唐李克用題名一百二十八字文稱中和五年二月者即光啟元年攷僖宗以是年二月至鳳翔三月還京改元之詔猶未下也克用與義成節度使王處存同破黃巢以功封隴西郡王而盧龍節度使李可舉成德節度使王鎔惡處存約其滅之分其地通鑑載克用遣將康君立救之而碑文則云領蕃漢步騎五十萬眾親來救援與通鑑異又云至三月幽州請就和斷遂班師取飛狐路却歸河東

金石錄卷一百七
則又史所不及載者當唐之季藩鎮連兵境上各事
爭鬪職方不錄其地朝廷號令所及僅河西山南嶺
南劔南十數州上下不交以至于無邦生斯世者其
聞見已不能悉真况百世之下寧免傳聞異詞哉惟
金石之文久而未泯往往出風霜兵火之餘可以補
舊史之闕此好古之士窮搜于荒陲破冢之間而不
憚也克用本武人未嘗以知書名而碑文楷畫端勁
詞亦簡質可誦英雄之不可量如是夫嗚呼益以見
金石之文爲可寶也

曝書亭集

知山陽縣孫君陞陞於縣北安天廟掘地得唐中和

五年碑一按舊唐書中和五年三月丙辰朔丁卯車

駕至京師己己御宣政殿大赦改元是三月之十四

日已改光啟曲陽去京師遠故未知耳又克用親援

處存與通鑑遣將康君立事異曝書亭集謂可補舊

史之闕然克用史無太保之稱處存以檢校司空遣

大將張公慶率勁兵三千合諸軍滅賊巢于泰山以

功檢校司徒事在救中山前則救中山時不宜仍稱

司空又金史百官志六部尙書皆有員外郎而無尙

書都官員外縣有令判縣事而無知縣事皆事之待

考者

拓坡集

右河東節度使李克用題名沈存中筆談載其文云
太原河東節度使李克用親領步騎五十萬問罪幽
陵回師自飛狐路卽歸雁門雖隳括其詞然以石刻
校之殊未盡合蓋存中記憶偶誤爾唐書沙陀傳光
啟元年卽中和五年幽州李可舉鎮州王景崇言易定故
燕趙境請取分之於是可舉攻易州下之景崇攻無
極易定節度使王處存請救于克用克用自將救無
極敗鎮人攻馬頭固新城鎮兵走處存復取易州此
克用題名卽自將救處存時也克用以二月廿一日
與處存同禱嶽廟至三月十七日以幽州請和班師

復謁廟賽謝然則克用之破鎮兵當在二月之末三

月之初矣通鑑于是年三月書克用遣將康君立救

處存又于五月書克用自將救無極敗成德兵皆未

得其真沙陀傳稱進檢校太傅而此作檢校太保亦

當以石刻爲正

潛研堂金石文跋尾

晉王題名攷新唐書李茂勳傳中和末太原李克用

始強大與定州王處存厚相結可舉惡其窺山東爲

已患云云乃遣票將李全忠率衆六萬圍易州鎔以

兵攻無極處存求援太原克用自將赴之今以題名

推數中和五年二月以後卽改元光啟故史云中和

末史又云克用自將赴之亦與此親來救援合惟通
鑑謂遣將康君立救處存或克用為主帥以君立佐
之遂以異文也與左傳正義去僖二十三年晉侯親
自敗狄而卻缺為將或十六年楚子親戰鄆陵而子
反為主類如此者不可更僕數故例舉以見其非誤
也題名下小字天會十二年一行則此題至金已重
刻然不知原刻何數見毀也授堂金石跋
按中和五年李克用與王處存同禱于嶽廟克用
題記而處存看題看題二字獨見于此

撫州寶應寺鐘款

鐘不知高幾許其中一層上圍一丈六寸下圍一丈
一尺五寸五分界為八區內四區區又界作四棱以
間之其第一區九行其八行刻記每行字數十四十
六十五不等第二區四棱無字第三區另刻宋淳化
年陀羅尼十五行行二十四二十五二十六字不等
餘第四第六兩區皆四棱七行第五區十一行第七
區五行第八區四棱八行皆書官銜及助
緣人名字數自十八至三十不等正書

節度討擊使兼監察御史朱衮并書

維唐大順元年歲次庚戌拾月癸未朔拾壹日癸巳撫

州寶應寺募眾緣於洪州南冶鑄銅鍾壹口重叁仟斤

上為國王大臣當府司空郡王尚書

次及州縣文武官寮將士軍人什方信男信女師僧父
母然願國界安寧法輪常轉有識舍靈同霑此福末克

供養

定金紫光祿大夫檢校工部尚書使持節撫州諸軍事

上曰撫州刺史兼御史大夫上柱國危全諷以上第一區

攝洪州別駕銀青光祿大夫檢校國子祭酒兼御史

大夫上柱國危巨

軍事判官將任郎試太常寺協律郎孫可璿

攝長史銀青光祿大夫檢校太子賓客雲麾將軍試

殿中監兼御史中丞朱口立

攝司馬兼御史中丞周璵攝錄事參軍李知古

節度先鋒兵馬使充都押衙銀青光祿大夫檢校國

子祭酒兼御史中丞曾司徒

押衙充右直將兼侍御史曾宏立

押衙充左直將兼侍御史陳玕

押衙充右廂都虞候兼侍御史丘盈

押衙充左廂都虞候兼侍御史李宣

押衙充衙官將兼侍御史丘稔

押衙充衙官將兼侍御史謝君注以上第一區

軍事衙推攝臨川縣令將仕郎試太常寺奉禮口黃

口

節度左押衙銀青光祿大夫檢校國子祭酒兼御史

中丞危堯

助緣押衙兼侍御史吳奏

押衙兼侍御史吳堯

押衙曾口

押衙許懷

押衙謝口福

押衙湯俊

押衙李耿

押衙徐殷

押衙席湘

押衙廖貢

押衙姚扶

孔目院助緣子錄事蕭恭

押衙黃緒

糧料官

傅口

以上第六區

衙直官王傳

表奏官骨元藻郭玩黃湛黃口

口口口衙口孔目官口口口口口

節度討擊使軍事押衙知修造將黃遵

押衙充孔目官兼監察御史劉瀆

押衙兼監察御史黃肇

以上第七區

前鄂岳館驛巡官朝議郎試大理評事黃涉

前商

州上洛縣令蘇口

攝功曹參軍夏侯徽

前潭州長沙縣丞黃召

女弟子吳氏

蕭氏

助緣

盧址

曾儺

金孜

鄭遇

饒璠

王閏

傅恭

劉勅

鄭口

饒憲

許縱

虞瓌

查

京許遠

李詡

熊立

謝展

張遵

范運

鄒矩

劉憲

鄒約

舒慶

周智

楊珠

胡成

何啓 章玩 王存 毛法修 彭贊 宗奭以上

第四區

監寺大德僧有章 法主律大德僧知夢

尊宿大德僧惠修 道滿 令交 藏主僧敬摸都

淮口僧懷閏

寺主僧知遠 上座僧元暢 助緣僧行哲 景璋

頭陀僧德口

勾當鑄鍾僧敬倫 都料節度散將桂宏師 節度

子將胡璋鐫

徒眾僧元珣 師達 行求 雲宣 靈口 師徹

知儼 口口龜

了源 軋顯 匡一 守言 可遷 元暉 雲賓

師口 口口

敬儒 從本 令口 敬遷 德昭 師怛

道成 宏愿以上第八區

口聖觀自在菩薩甘露陀羅尼咒不錄

淳化元年歲在庚寅十二月 寶應寺觀音院行持

水陸法事忽持大德敬口記以上第三區

延福鐫

右撫州寶應寺鐘文其云當府司空者鎮南軍節度

使鍾傳也郡主尚書者撫州刺史危全諷也列名者百餘人首一行云金紫光祿大夫檢校工部尚書使持節撫州諸軍事守撫州刺史兼御史大夫上柱國危全諷攷全諷以中和二年壬寅歲據撫州至梁開平三年己巳為楊氏所併在州二十八年唐五代二史僅附見鍾傳傳其檢校工部尚書亦可裨二史之

闕 潛研堂金石文跋尾

金石萃編卷一百十七終

金石萃編卷一百十八

賜進士出身

誥授光祿大夫刑部右侍郎加七級王昶撰

唐七十八

萬壽寺記

石高二尺二寸八分廣一尺二寸八分十五行行二十九字正書在岐州

大唐萬壽寺記

刺史柳玭撰

漢長安城本秦離宮也高帝七年長樂宮成自櫟陽徙都之惠帝視其窄狹乃發長安六百里內男女十四萬六千人及諸侯王列侯從隸二萬人城長安成賜民爵

戶一級長安城方三十里內地九百七十三頃八街九陌九市周回六十五里十二城門皆有侯蕭望之爲東門侯東有三門一宣平門外郭東都門一清明門外郭東平門一霸城門外郭青門霸城門外一里許有萬壽寺焉萬壽寺本梁太尉吳王蕭岑宅隋開皇四年文帝爲沙門曇延立爲延興寺東院莒公蕭琮之堂隋亡捨入寺 神龍中中宗爲永泰公主追福改爲永泰寺大中六年請改名僧寺五所化度寺改爲崇福寺永泰寺改爲萬壽寺溫國寺改爲崇聖寺經行寺改爲龍興寺奉恩寺改爲興福寺而寺各異其額也然萬壽一寺

宣帝親幸賜額命官造理殿宇廊廡方丈山門共一百九十七間左右院林二所香地二頃六十餘畝石佛一尊娑羅樹六楸勅度一百二十僧受牒免差入寺焚修祝延聖壽後淨資住持能守清規迥出於衆慎寺年久莫識其端請余爲記俾後人有所據云

景福元年八月一日

按記爲刺史柳玘撰新唐書柳玘傳玘仲郢第四子官至御史大夫昭宗欲倚以相中官譖玘煩碎非廊廟器乃止坐事貶瀘州刺史卒則其撰此碑距卒年不遠矣碑但署刺史而不言瀘州者何也

記云漢長安城本秦離宮也高帝七年長樂宮成
自櫟陽徙都之漢書高帝紀七年二月至長安蕭
何治未央宮立東闕北闕前殿武庫大倉上自櫟
陽徙都長安未央宮碑作長樂宮者本史記語也
記又云惠帝視其窄狹發長安男女城長安云云
語亦見漢書惠帝紀五年春正月復發長安六百
里內男女十四萬五千人城長安二十日罷碑不
言三十日罷而以五千作六千則異也長安志秦
孝公始都咸陽及并天下置內史以領關中項籍
滅秦分其地爲三封章邯爲雍王都廢邱司馬欣
爲塞王都櫟陽董翳爲翟王都高奴高祖五年在
洛陽從婁敬說始都之此語又與漢書小異又據
西京雜記曰未央宮周匝二十二里九十五步街
道周四十七里潘岳關中記未央宮周旋三十一
里街道十七里諸說又與碑不同碑稱霸城門外
一里許有萬壽寺檢陝西通志載此寺語與碑同
而云寺有劉批撰記誤以柳玘作劉批也碑又云
改僧寺名化度寺改崇福寺溫國寺改崇聖寺經
行寺改龍興寺奉恩寺改興福寺今通志所載洪
福寺舊在西關貞觀間太宗爲穆王后追福立爲

宏福寺神龍間改為興福寺溫國寺在城南四十

里隋名實際寺開元十五年改為溫國寺不云改

頌政坊龍興寺貞觀五年太子承乾立不云經

崇福寺在城東北五十里宣義里則天后建時

經多于寺不云化此所載不知即碑所稱各寺否

也碑云萬壽一寺宣帝親幸賜額此宣帝謂宣宗

也

憫忠寺重藏舍利記

石橫廣四尺高二尺一分四十一行行二十一

重藏舍利記

口街內殿講論兼應 制大德沙門南敘述

僧知常書

茲舍利者昔隋文帝潛龍日有梵僧自印土至授舍利

一瓶曰此釋迦佛遺形耳檀越可為主洎登寶位年

開皇至廿年改仁壽至仁壽二年壬戌正月勅天下

州一百處口舍利塔時幽州節制竇抗創造五層大

塔飾以金碧局舍利於其下至 大唐文宗皇帝

和八年甲寅經二百卅三年天火焚塔迺後五六年門

武皇廼口釋教至 宣宗初登寶位歲在丙寅

初修廢藍將興畚口得石函於故基下時 旌麾綾

河公曉示人天專令供施遷藏於憫忠寺多寶塔下復經卅三載中和口年歲在壬寅又值火災延憫忠寺樓臺俱燼旋遇燕口陶汰空侶不暮年

隴西令公大王木庇生靈巨崇像設捨己祿俸造觀音閣橫壯妙麗逾於舊貫寺僧復嚴陳力化導塑觀音當景福壬子年僉欲遷舍利於閣內乃陳辭上瀆

請發封壤錄上許之卽是年六月徒侶雲萃各竭誠塵垢曜靈香空人手未淹食頃俄逢巨函縫印香泥記鐫貞石繇是撒其蓋發其緘舍利光芒異香郁裂錄狀捧金函詣子東門上獻大旌幢中權後營皆

澡口沐心通宵瞻礼重沓餽施復還本寺顯示城隍俗曰黃金瓶如麩麥量內藏一粒仁壽舍利也二粒在塔口內又二粒在小金合子內又九十粒如銀粟狀在琉璃餅內玉環二髮七綜金銅棺槨異香釵訓等今又有二粒舍利光彩甚瑩在銀結條琉璃餅內卽故臨壇大德明鑒平昔隨身供養臨終授弟子捫忍今同收函內別夫眈日久歿遺形尙留爲福人天堅固不壞幸遇前王臣信重正法興隆同於寶坊載礼金骨而今

而後何年更逢匪獨人心澆醜抑亦時侵末法重闕于此觀音象前谷變陵摧猶憑刊石記曰

大燕城內地東南隅有憫忠寺門臨康衢

有寶閣橫雲業虛閣有巨象觀音聖軀當象

之前緘于舍利外石函封內金函闕填以墨

香雜以环器用記歲年景福王子

葬舍利僧復嚴

景福元年十二月十八日記僧守因鑄

寺眾僧等

念誦大德義氈律大德公并律六

德宏紹僧宗楚僧鴻徹僧行信僧行約

僧元之僧元爽僧思賢

僧慶賓僧公信僧可誠僧口口

上座僧般裕都維那僧口誠

舍利塔一燔於大和八年一燼於中和二年至是僧

復嚴葬舍利於憫忠寺觀音像前碑中所云隴西令

公大王者李匡威也匡威欲遷舍利於閣內至拜疏

於朝請發封壤詔可而後行當時崇重法寶如是

文字記

右唐景福元年僧復嚴葬舍利于憫忠寺是歲李克

用王處存合兵攻王鎔李匡威救之有詔和解河東

及鎮定幽四鎮碑稱欲遷舍利于閣內陳辭請發封

壤上許之蓋匡威方恃燕薊勁旅有雄天下意宜有請無不許者碑文侈陳發緘時舍利光芒異香郁烈外石函封內金函闕其崇奉像教至矣迨明年匡威復出師收鎔其弟匡儔據軍府自稱留後匡威進退無所之鎔迎于鎮登城西大悲浮圖顧望流涕未幾以圖鎔見殺今匡威所建之閣遺跡已不可問其碑僅存已踣佛脚俾工拽而出之搨以藏諸笥

曝書亭集

石碑題云唐重藏舍利記按此即前會昌六年重藏舍利而遷于閣內也聞舍利為高僧茶毘後所遺尤彩熒耀其質如石崇禎末先大夫觀阿育王舍利其色微黃大如小豆客皆稱賀蓋舍利神異各隨其人之福量而為之大小紅白無一定之形色先兄亦至阿育王寺觀舍利色微暈而卒于亂中先大夫年八十有六無病預知時至坐而遷化亦足見其神異

巴金石錄補

碑云隴西令公大王者朱錫鬯以為李匡威以予攷之匡威之立在光啓三年八月歲在丙午而碑稱中和三年歲在壬寅值火災延憫忠寺樓臺俱燼又云不暮年隴西令公大王舍俸造觀音閣則造閣之時匡威尙未建節所云令公者當是李可舉耳唐書藩

鎮傳載可舉所授官甚略其稱令公而封王爵史未
之及也可舉以光啓元年乙巳被殺李全忠代之明
年全忠卒子匡威爲禹後距壬寅已四年餘矣不當
云未暮年也碑于大唐文宗及武皇及宣宗及上皆
空二格其云旌麾清河公者張仲武也亦空二格書
之獨于隴西令公跳行書之當時河朔之俗知有節
使不知有天子久矣其云大燕者浴安史之僭稱也

潛研堂金石文跋尾

吳承泌墓誌

裝本石高廣行字皆不計行書在咸寧縣

大唐故內樞密使特進左領軍衛上將軍知內侍省事

上國柱灤陽郡侯食邑一千戶食實封一百戶吳

公墓誌

并序

翰林學士朝議郎守尚書司封郎中知制誥柱國

賜紫金魚袋裴延裕撰

翰林待詔朝散大夫檢校右散騎常侍守蜀州刺史

御史大夫柱國賜紫金魚袋書

昔周文以聖德受命太伯以仁王錫封于吳因國

口氏公口口泌字希白卽裔孫也曾祖口口贈金紫光

祿大夫內給事祖德口口口口口口口口口口口口口口

宣□□朝□□特異出則縮兵符而臨巨鎮入則□□
 □以□□□□宗皇帝將奉□丞□□公時
 為弓箭庫使送□□□□居□□□□□□□□
 □□細之恃皆參□□□金□贈朝散大夫內侍省內
 侍□公則□子之□□□王□□□天仙河中府軍車
 次河北傳檄諸道□□□之歲穎悟過人口始□經□
 □□成□□□□□足用□□乃□於書淫百氏九隆
 □遇□□□破曹劉之堅□□光未仕流無不□博而
 又□高作賦納□□之□甚高名學□王右軍妙傳其
 法受□□處士□□其師□韓□府□擇賓□□□□

□庾元□之招殷浩□鎮西之辟袁宏千載論交一□
 □美乎□□□昇之□□□□□皇帝以郇瑕
 之封筦□遺利命□公以本官充解□□□□□□
 □如夏日洞察秋毫每□□嵩之□□□□之臧潔
 白無玷課取有聞搜考句□□□黠史青□赤灰充於
 □衡以叨賜□□□解□□□使□屬□河失守盜
 賊驚奔□□□□□□金根去□□三□□□公
 則以□□□□中人口度清□愁□夜真風塵外物超
 庭□期□□國遂與易定節度使王處存同天子蒙塵
 之□責官司□□□□□□□兵一萬屯東渭橋□□

公奔赴行口口奏奉口口先口口其忠口錫口

金章依前充口縣摧稅使口口口口榮書口口口

口口伍口口公復歸口口朝闕後改充南詔禮口副使

以口不行中和三年充許蔡通和口口下齊之口口

優方口集事吠口之犬正眾不克前院彬彬旨却復章

綬尋口疑地未辨口証口朝廷口之口口金口

先帝幸口口口搜訪口能召口口公充西口方口

口口口切口口夫樂林園之趣馬相如彈口之地揚執

戟草靡之亭自有高情寧口口爵口帝口口請便

充口川宣口使不口口闕者數歲口口聖上虔

承口大寶振起頽口歷口口口口埋葬加內寺

伯判內侍省內給事綜領省務領袖廷臣張口則口博

舊章黃瓊則練達故事加內侍充學士使口徐口口

口口口口口口口口通才光膺是口絲綸夜出

得口講陳口鳥會口口不宴口改宣徽北院使守右監

門衛將軍濮陽郡開國伯食邑七百戶口口口口

氏不口口口口口省口口地非所願也口讓者再三

口口上許不奪素志方拜口口口口二年改口

樞密使加特進左領軍衛上將軍知內侍省事濮陽郡

開國侯食邑一千戶食實封一百戶口口公素懷遠口

常切致君大用口辰納忠不闕其他扼制口務口
緝百司口口口書口口口口乾寧二年春正月二十日
薨于口水年四十五法闕君命也冬十月二日
上闕示中書門口許口口公昭雪廿口月二十日
于京兆府萬口縣灃川鄉北姚村禮口長男修口次男
修皆南遷未復小男修口口口公之季知象猶子如
已以書寓門口請銘于裴廷裕時為口口口口口口
論思之地枚馬口草之司口口口公以精識闕
泗磬豐鍾闕其聲不羣闕鸞翎鳳翼闕其口
口口公之苦學闕風公之好文闕果於盛日

口佳 明君 一言闕百闕道闕是忠骨

藏之下泉 口闕家國闕

翰林待詔正口大夫檢校右散騎常侍闕

御史大夫柱國賜紫金魚袋董瓌

按吳承泌是內官兩唐書無傳撰人裴廷裕僅見

全唐詩小傳云廷裕字膺餘昭宗時翰林學士左

散騎常侍後貶湖南卒而不詳其里貫其詩有蜀

中登第答李搏云何勞問我成都事又高捲絳紗

楊氏宅自註云時主文寓楊子巷則是蜀人也其

歷官惟翰林學士與此誌結銜合餘俱互異也書

者不見其姓名寰宇訪碑錄謂是閩湘書當必有據也誌云遂與易定節度使王處存同天子蒙塵之口口兵一萬屯東渭橋云云此是中和元年四月事舊書王處存傳徑原行軍唐宏夫敗賊將林言尙讓軍垂勝進偪京師處存自渭北親選驍卒五千皆以白繻爲號夜入京城卽其事也誌云後改充南詔禮口副使以口不行新書南詔傳中和元年遣使者來迎公主帝以方議車服爲解後二年又遣布燮楊奇肱來迎詔檢校國子祭酒張醮爲禮會五禮使徐雲虔副之亦卽此事也疑誌所泐字乃禮會副使以疾不行因別遣徐雲虔也中和三年充許蔡通和口昭宗本紀是年十一月蔡賊秦宗權圍許州十二月詔河東李克用赴援時蔡州秦宗權許州周岌構兵故昭宗遣使通和也誌云葬于澠川鄉北姚村此古村名可補長安志所未備

賜錢鏐鐵券

鐫鐵嵌金文二十六行行十四字正書在臨海縣

維乾寧四年歲次丁巳八月甲辰朔四日丁未皇帝若曰咨爾鎮海鎮東等軍節度浙江東西等道觀察處置

營田招討等使兼兩浙鹽鐵制置發運等使開府儀同
三司檢校太尉兼中書令使持節潤越等州諸軍事兼
潤越等州刺史上柱國彭城郡王食邑五千戶食實封
壹百戶錢鏐朕聞銘鄧騰之勳言垂漢典載孔悝之德
事美曾經則知褒德策勲古今一致頃者董昌僭偽爲
昏鏡水狂謀惡貫涿染齊人而爾披攘兇渠盪定江表
忠以衛社稷惠以福生靈其機也氛祲清其化也

疲羸泰拯於粵於塗炭之上師無私焉保錢塘成金湯
之固政有經矣志獎王室績冠侯藩溢於旂常流在丹
素雖鍾繇刊五熟之釜實憲勒燕然之山未足顧功抑
有異數是用錫其金板申以誓詞長河有侶帶之期秦
華有如拳之日維我念功之旨永將延祚子孫使卿長
襲寵榮克保富貴卿恕九死子孫三死或犯常刑有司
不得加責承我信誓往維欽哉宜付史館頒示天下

中書侍郎兼戶部尚書平章事

臣

崔廩宣奉

附謝表

恩旨賜臣金書鍊券一道臣恕九死子孫三死者出
于睿眷形此綸言錄臣以絲髮之勞錫臣以山河之
誓鑄金作字指日成文震動神祇飛揚肝膽伏念臣
爰從筮仕逮及秉麾每自揣量是何叨忝所以行如

履薄動若持盈惟憂福過禍生敢忘慎初護末豈期此志上感宸聰憂臣以處極多危慮臣以防微不至遂聞聖澤永保私門屈以常刑宥其必死雖君親屬念皆云必恕必容而臣子爲心豈敢傷慈傷愛謹當日慎一日戒子戒孫不敢因此而累恩不敢乘此而賈禍聖主萬歲愚臣一心臣鏐誠惶誠恐稽首頓首游按唐昭宗乾寧四年遣中使焦楚錕賜吳越武肅王鏐券以八月壬子至國是歲武肅始兼領鎮東節鉞出師大敗淮南兵十八營定婺睦蘇湖等州而鏐券適至蓋其國始盛時也及忠懿王入廟以其先王所藏玉冊鏐券置之祖廟不以自隨淳化元年杭州守臣以鐵券竹冊玉冊并詔誥等悉上之于朝時忠懿王已薨太宗皇帝復以冊券賜王之子安僖王惟潛安僖王薨券歸文僖公惟演文僖公薨券傳仲子霸州防禦使晦霸州侍仁宗皇帝燕閒帝問先世所賜鏐券欲見之霸州并三朝御書以進帝爲親識御書之末復賜焉文僖之孫開府公景臻尙秦魯國大長公主游年十二三時嘗侍先太夫人得謁見大公主鏐券實藏卧內狀如箭瓦今七十餘年乃得見錄本于武肅諸孫榘家後十字蓋文僖手書游家舊藏

文僖書帖亦有押字皆與此同武勝軍節度使印則
文僖尹洛時所領鄧州節鉞也

放翁文集

吾鄉錢叔球氏贊乃武肅王之諸孫也其家在郡城
外東北隅亭臺沼沚聯絡映帶猶是先朝賜第與余
相友善嘗出示所藏缺券形宛如瓦高尺餘濶二尺
許券記黃金商畝一角有斧痕蓋至元丙子天兵南
下時其家人竊負以逃而死于難券亦莫知所在越
再丙子漁者偶網得之乃在黃岩州南地名澤庫深
水內漁意寶物試以斧擊之則缺焉因棄諸幽一邨
學究與漁鄰頗聞賜券之說買以缺價然二人皆不

悟其字乃金也有報于叔琛之兄者用十斛穀易得
青瑣復還誠為異事時余就錄券詞一通叔琛又出
武肅當日謝表稿併錄之昨晚檢閱經笥偶得于故
紙中轉首已三十餘年矣人生能幾何哉漫志于此
按史唐僖宗乾符五年王仙芝餘黨曹師雄寇掠二
浙杭州募兵使石鏡都將董昌等以討之臨安人錢
鏐以驍勇事昌為兵馬使中和元年昌為杭州刺史
光啓二年昌謂鏐曰汝能取越州吾以杭授汝鏐攻
克之昌遂徙越以鏐知杭州事三年昌為越州觀察
使鏐為杭州刺史昭宗景福元年為威勝軍防禦使

二年爲鎮海節度使乾寧二年昌僭號鏐遺書曰與其關門作天子與九族百姓俱陷塗炭豈若開門作節度使終身富貴邪昌不聽鏐以狀聞削奪昌官爵委鏐討之三年昌伏誅鏐令吏民上表請兼領浙東朝廷不得已以爲鎮海鎮東節度使改威勝曰鎮海天復二年進爵越王天祐元年更封吳王梁太祖開平九年以爲吳越王乾化二年如尙父末帝貞明二年以爲諸邑兵馬元帥二年以爲天下兵馬元帥龍德三年以爲吳越王鏐始建國儀衛名稱多如天子之制惟不改元置百官有丞相侍郎客省等使唐明宗天成四年削鏐官爵初鏐嘗遣安重誨書詞禮甚倨及朝廷遣奉使烏昭遇韓玟使鏐還玟奏昭遇見鏐稱臣拜舞重誨奏賜昭遇死鏐以太師致仕自餘官爵皆削之長興二年鏐卒鏐寢疾出印鑰授子元瓘曰子孫善事中國勿以易姓廢事大之禮卒年八十一史稱乾寧三年秋九月以鏐爲鎮海鎮東節度使而券詞乃四年秋八月何邪史稱儀衛名稱如天子之制惟不改元程大昌演繁露云寶正六年歲在辛卯見封落星石制書辛卯乃唐明宗長興二年寶大元年羅隱新城縣記云癸未歲癸未乃唐莊宗同

光元年以此知吳越雖稟中原正朔既長興同光年號與其寶正寶大同歲而名不同知吳越自嘗改元審矣又僧文瑩湘山野錄云唐昭宗以錢武肅王平董昌拜爲鎮海鎮東節度使中書令賜鐵券羅隱爲誤謝表迨莊宗入洛又遣使貢奉懇請玉冊金券有司定議非天子不得用後竟賜之鏐卽以節鉞授其子元瓘自稱吳越國王名其居曰殿官屬悉稱臣又于衣錦軍大建玉冊金券詔書三樓遣使冊東夷諸國封拜其君長幾極其勢與向之謝表所陳處極防微累恩賈禍之誠殊相戾矣禪月貫休嘗以詩投之有滿堂花醉三千客一劒霜寒十四州之句鏐愛其詩遣客吏諭之曰教和尚改十四爲四十方與見休性褊介謂吏曰州亦難添詩亦不改然閑雲野雀何天而不飛邪遂飄然入蜀鏐後果爲安重誨奏削王爵以太師致仕重誨死明宗乃復鏐爵位錢受徵吳越備史鐵券考鐵券之制其形如瓦方廣約一尺五寸許蓋鎔鐵而成又鑲金其上者也唐昭宗乾寧四年八月遣使焦楚鎡賁券以賜彭城郡王鏐券文三百三十三字晶光閃爍天語溫純櫝而藏之家唐久矣宋太宗淳化元年杭州守臣以前券及竹冊玉冊

各三副詔誥百餘函進呈詔賜還忠懿王嗣子惟濟收貯比仁宗登極霸州防禦使晦侍燕閒及鐵券進呈錄本及先朝御書元豐四年特令朝奉大夫權知開封府事藻進呈鐵券仍降付本家永傳後裔宋末元兵破台城沉之深永中者五十六年至順二年漁人獲而售之宗人世珪家國朝洪武二年太祖大封功臣下禮官議鐵券制學士危素奏唐和陵時賜武肅鐵券見在上遣使卽家訪焉世珪子尙德奉詔券及五王遺像以進上御外朝與宣國公李善長等觀之賜宴中書省命鏤木爲式給還券像二十一年孫克邦以大臣薦赴闕吏部引見因以錢氏納土至今子孫尙存論北方歸降者已見東宮殿下亦問到今幾代除授江西建昌府知府二十三年卒于官都察院查勘任內稅糧鈔劄到京子汝賢供係吳越王嫡派有鐵券爲照本院官引見蒙聖旨着孩子靠前來遂於奉天殿丹陛前欽奉玉音云五代時天下大亂各據偏方爾祖能使兩浙之民不識兵革到宋朝來知道宋太祖是箇真主便將土地歸附券與你保守田產家財都給還一時縉紳士夫爭爲詩文贈送歸台州卽今藏於宗子鳳墀家雖券文稍有剝落而千

百年故物世守弗墜云

陶宗儀輟耕錄

吳越武肅王錢鏐唐昭宗乾寧四年賜鐵券其事史載頗詳宋末兵亂券沒水凡五十六年爲漁者所獲其十四世孫世珪始購得之時元至順二年推券之失當是景炎元年也明洪武二年上將封勳勞之臣遣使者訪其家尙德負券及五王像來詣闕下上特御朝與羣臣共觀命工仿其制不盡肖上乃還券禮遣東歸其後台州亂其二十五世孫珍負積匿山中乃免辛卯四月予遊台州與顛子赤方得其觀券券字金色爛然因沒水久後半多剝蝕獨首行朔字爲

明高皇帝引佩刀剔去以觀刻畫之深淺者世守垂

八百年失而復得豈非鬼物護持之力哉

陶徵鐵券詩序

謹按鐵券之制其形如瓦長一尺八寸三分濶一尺

一寸厚一分五釐重一百三十二兩文三百三十三

字其畫皆外狹中寬晶光閃鑠詞語溫純忠懿王入

朝詔賜藏之汴京昭化坊賜第神宗時駙馬都尉景

尙主宗器屬焉券遂安于都尉之第靖康元年金人

入寇詔公主子榮國公忱奉母出居于江南以券行

因避地湖湘間紹興元年遷台高宗遂卽台城崇和

門內賜公主第由是券世藏於台之美德坊德祐二

年丙子元兵南下破台時其家人竊負以逃莫知所
在迨至順二年辛未漁者偶網得之宗子叔琛之兄
世珪用十斛穀易得之明太祖洪武二年其十五世
孫尙德字允一號存齋天台人元末官青田教諭實
寶藏之尙德者卽世珪子也奉詔以進陸辭日命還
券像劉基宋濂王禕等咸贈以詩永樂五年正月差
行人曹閏馳驛至台十七世孫廣西叅政汝性同行
人奉券進呈覽畢以禮敦遣藏于宗子鳳墀家前後
數百年中其間或顯或晦皆若先靈式憑台郡邑志
俱以是券爲古蹟召南少時卽嘗觀表中譜畧知始

末今幸恭逢

聖駕南巡其裔孫嘉禾尙書陳羣率台族子選等進呈
御製歌詩垂訓萬古是券遭遇夫豈鼎彝敦尙徒以世

遠得名者所可比並也哉

齊召南
鐵券攷

唐昭宗賜吳越王錢鏐鐵券計三百三十二字字畫

全者一百四十七第十四行社稷自起一行書之第

十九行未足顧功諸書皆作顯功此字尙宜審也鏐

景福二年拜潤州刺史故云潤越等州十國春秋輟

耕錄諸書作閩越者誤也陶宗儀又謂鏐拜鎮海鎮

東節度使在乾寧三年九月而以券詞四年八月爲

疑然鏐拜爵後至次年始賜券自是兩事無足疑者
鏐之稱天寶元年在唐天祐五年戊辰而輟耕錄亦

未之詳考也

翁方綱跋

舊唐書昭宗紀乾寧四年九月癸酉朔制以鎮海軍
節度使錢鏐為鎮海軍節度浙江東西道觀察處置
等使杭州越州刺史上柱國吳王攷其時鏐實兼鎮
海鎮東兩鎮而紀祇書鎮海軍所領者潤州刺史而
紀書杭州皆其脫誤

潛研堂金石文跋尾

王審知德政碑

碑高一丈六尺九寸廣七尺三寸
三行行八十一字正書在閩縣

大唐威武軍節度福建管内觀察處置三司發運等使
特進揀拔太保同中書門下平章事使持節都督福州
諸軍事兼福州刺史上柱國瑯琊郡王食邑口口戶食
實封壹伯戶王審知

德政碑銘

并序

銀青光祿大夫行尚書禮部侍郎上柱國臣于兢奉

勅撰

粵自範金合土之制雲師火紀之名禹別九州堯咨四
岳莫不柬求良輔鹽濟北人彰克勒克儉之能垂可久
可大之業嗣太叔寬猛之政循仲尼富庶之言旣茂勳

勞宜標篆刻公名審知姓王氏瑯琊人也其胙土命氏
疏源演派代濟其美史不絕書後以大祖就祿光州因

家于是郡焉贈光祿卿王父蘊玉 贈秘書

少監父恁贈光州刺史繼贈太尉公即太尉之季子

也初公兄潮志尚謙恭譽藹鄉曲善於和衆士多歸之

福建節度使陳巖既嚮其名又以所屬泉州求牧乃遣

禮而請之及到任頗著嘉聲後巖在軍病甚不能視事

軍士等懼無統御皆願有所依從泉牧遂以郡委於仲

弟審邽而與公皆赴至則積惡者屏去為善者獲安因

詔授節度使累加檢校右僕射於是剗其訛弊整其

章條三軍無譁萬姓有奉乾寧三年僕射遭疾且付公

以戎旅仍具表奏尋加刑部尚書威武軍留後

俄授金紫光祿大夫右僕射本軍節度使公器局端雅

識理融明稟嵩嶠之真精得圮橋之妙略及膺

帝命寵陟齋壇細柳連營旌旗動色蒲盧莅政草樹逢

春一年而足食足兵再歲而知禮知義方隅之內仰止

攸同曩以運屬艱虞人懼昏墊農夫釋耒工女下機公

既統藩垣勵精為理强者抑而弱者撫老者安而少者

懷使之以時齊之以禮故得汚萊盡闢雞犬相聞時和

年豐家給人足版圖既倍并賦孔殷處以由庚取之盡

徹夫述職之道虛貢為先九丘爰序於厥苞伍伯是徵
 於縮酒雖甸服之近江漢之中或遇阻艱亦絕輸賦唯
 公益堅尊獎慎守規程松柏後凋風雨如晦地征旁午
 天庫充盈共仰勤劬咸知由戴常以學校之設是為教
 化之源乃令誘掖童蒙與行敬讓幼已佩於師訓長皆
 寘於國庠俊造相望廉秀特盛閩川以南地惟設險人
 尚爭雄或因饑饉荐臻或以刻剝為苦藿蒲易聚巢穴
 難探公感之以恩綏之以德且曰吏實為虐爾復何辜
 示以寬仁俾之柔服遂數十年之氛祲遠致廓清一千
 里之封疆旋觀昭泰張綱以單車入壘虞詡用絳纒擒

奸以古况今彼猶懷愧爰自天寶艱難之後經費寔繁
 聚斂之臣名額滋廣卽山鳩利任土庀財峻設隄防頗
 聞調贖泊纏烽燧仍患崎嶇三司之職務空存四海之
 輪蹄鮮至公按其程課令以權衡盡叶舊規尤彰宏業
 而又奉大雄之教崇上善之因象法重興道師如在虹
 梁雕栱重新叨利之宮鈿軸牙籤更演毗尼之藏而又
 盛興寶塔多捨淨財曰麗飛堯霞攢綵檻頑豔迴向遠
 還歸依用俾群緣皆同妙果佛齊國雖同臨照靡襲冠
 裳舟車罕通深費獻口者亦踰滄海來集滄臚此乃
 公示以中孚致其內附雖云異類亦慕華風死土

龍媒寧獨稱於往史條支雀卵諒可繼於前聞自燎熾
西秦煙飛東觀曾壁之遺編莫採周陵之墜簡寧存亟

命訪尋精於繕寫遠貢劉歆之閣不假陳農之求次第
籤題森羅卷軸九四隣其守蓋當偃草之期七德方修

必假禦衝之備是以恢張制度固護基扃程功而莫匪
子來作事而適當農隰立崇墉之百雉表巨屏於一方

巖邑湯池曾何足數折筮繁帶固不可憑未若暫勞致
茲永逸兵戈荐起帑庾多虛凡列土壻悉重征稅商旅

以之而壅滯工賈以之而殫貧公則盡去繁苛縱其交
易開譏郵市匪絕往來衡麓舟藪皆除守禦故得填郊

溢郭擊轂摩肩竟敦廉讓之風驟覩樂康之俗閩越之
境江海通津帆檣蕩漾以隨波篙楫崩騰而激水途經

巨浸山号黃崎怪石驚濤覆舟害物公乃具馨香黍稷
薦祀神祇有感必通其應如響祭罷一夕震雷暴雨若

有冥助達旦則移其艱險別注平流雖畫鷁爭馳而長
鯨弭浪遠近聞而異之優詔獎飾仍以公之德

化所及賜名其水為甘棠港神曰顯靈侯與夫召神人
以鞭石馭力士以鑿山不同年而語矣於戲辨貞金於

大冶認勁草於疾風不有良田誰康澤國尋就加平章
事檢校右僕射如故耆懸相印手握兵符益壯軍聲弥

新 殊渥又改光祿大夫檢校司空轉特進檢校

司徒然而物議輿詞功厚賞薄以為爵祿未稱疇庸於

是異姓分封仍加并邑轉檢校太保瑯琊郡王食邑四

千戶食實封壹伯戶公之仲兄審邦自守泉郡一紀于

茲黠馬皆調疲人盡泰公性惟雍睦氣稟温和韻契墳

簾政侔魯衛可謂高明輝映超絕一時者也公以

天下兵馬元帥太尉中書令梁王勳格穹昊德服華

夷奉大國之歡盟為列藩之表率今節度都押衙程贊

及軍州將吏百姓耆老等久懷化育願紀功庸列狀

上聞請議刊勒 元帥梁王以公如河誓著

口石情堅累貢表章顯陳保證 朝廷冀驪誘勸

特示褒揚將建龜趺合徵鴻藻兢讓居清列曾乏雄文

頃歲嘗詠皇華往宣 宸旨已於視聽親餞徽猷

今之執簡濡毫得以研精覃思備陳懿績實無愧詞乃

作銘曰

日月麗天 舟楫濟川 內外克乂 股肱惟賢 淮

水長清 緱嶺方寧 慶隨祚遠 材為時生 伯氏

雄特 泉人仰德 求瘼斯勤 頌條有則 冠軍被

疾 付以師律 政教翕張 士庶寧謐 懿彼閩越

師實英傑 地列周封 心馳 魏闕 聖澤汪洋

元戎啓行 有典有則 爲龍爲光 高懸秦鏡
理道自靜 比屋懷仁 連營稟令 航海梯山 貢
奉循環 務其輸委 無憚險艱 周征之術 公田
什一 約以有程 守而勿失 輕徭薄賦 謳歌載
路 高掩龔黃 遐追邵枉 鄉校皆遊 童蒙來求
雅道靡靡 儒風優優 惟虺吹毒 久依山谷
罔恣陸梁 竟欣柔服 法寶梵宇 勝因所主 崇
構斯精 福慶攸聚 佛齊之國 綏之以德 架浪
自東 驟山拱北 墜簡遺編 繕寫精研 麟臺轟
口 武觀森然 奮鍤其勤 雉堞連雲 永制不敵

用壯我軍 關譏不稅 水陸無滯 遐迩懷來
商旅相繼 黃崎之勞 神改驚濤 役靈祇力 保
千萬艘 劉驥荀龍 填箠雍雍 惟邦惟翰 以侯
以公 元帥梁王 武步龍驤 挺彼七德 削平四
方 公能事大 推心斯在 風雨無踰 歲寒不改
殊勲茂績 盡瘁宣力 國之丹青 邦之柱石
位冠台鼎 任隆兵柄 重以徽章 寵分異姓 優
詔銘功 万古英風 貞張是勒 垂之無窮

天祐三年丙寅歲閏十二月一日准 勅建
將任郎前守京地府鄆縣尉直隸文館王侗書口口

按碑有缺字吳任臣十國春秋載此文今據以增
 注撰文者于兢書者王侗皆無攷碑云公名審知
 姓王氏瑯琊人也後以大祖就祿光州因家于是
 郡焉兩五代史皆云王審知字信通光州固始人
 十國春秋云五代祖暉為固始令民愛其仁畱之
 因家焉然則碑云太祖者即五代祖暉也碑云兄
 潮士多歸之福建節度使陳巖請牧泉州巖病軍
 士無統御泉牧遂以郡委于仲弟審邦而與公皆
 赴云云歐五代史王審知傳稱唐末羣盜起壽州
 人王緒攻陷固始緒聞潮兄弟材勇召置軍中以

潮為軍校

薛史云時潮為縣佐緒署為軍政

是時蔡州秦宗權募

士益兵以緒為光州刺史召其兵會擊黃巢緒遲

畱不行宗權發兵攻緒緒率眾南奔自南康入臨

汀陷漳浦緒性猜忌潮頗自懼說其前鋒將擒緒

推潮為主

薛史云緒眾求帥乃刑牲歃血為盟植劍躍于地眾以為神異即奉潮為帥時泉州刺史廖彥若貪暴潮略

地至其境耆老畱之潮圍彥若逾年克之光啓二

年福建觀察使陳巖表潮泉州刺史景福元年巖

卒薛史作大順中巖卒其婿范暉自稱畱後潮遣審知攻暉

破之唐即以潮為福建觀察使以審知為副使十

唐七十八

國春秋云王緒取光州時潮為縣佐史與弟審邦
 審知以材氣知名邑人號曰三龍緒署潮為軍正
 主廩庾緒南奔陷漳浦初以糧少故兼道馳約軍
 中曰以老孺從者斬潮與二弟時奉母行緒切責
 潮欲斬其母潮等請先母死會諸將士皆為請遂
 舍之有術士望軍氣言軍中當有暴興者緒益猜
 忌前鋒將擒緒推潮為主潮乃除地剗劍祝曰拜
 而劍三動者我以為主至審知劍躍于地眾以為
 神皆拜之審知讓潮自為副餘與兩史同此審知與兄
 入閩之緣起也碑云乾寧三年僕射遵疾付公以

戎旅仍具表奏尋加刑部尚書云云僕射者潮也
 十國春秋從通鑑作四年冬潮有疾十二月丁未
 潮薨與碑差一年十國春秋又云天祐元年夏四
 月唐遣右拾遺翁承贊加審知檢校太保封瑯邪
 王食邑四千戶食實封一百戶碑載此語無年月又云是
 歲建報恩定光多寶塔于福州天祐二年夏四月
 王藏佛經于壽山凡五百四十一函總五千四十
 八卷三年七月鑄金銅佛像高丈有六尺鑄菩薩
 像二高丈有三尺即碑所云奉大雄之教崇上善
 之因虹梁雕栱重新初利之宮鈿軸牙籤更演毗

尼之藏盛興寶塔多捨淨財日麗飛霞攢彩檻
著是也又云海上黃崎波濤爲阻審知禱于海神

一夕風雨雷震擊開爲港封其神曰靈顯侯

原注一作

顯應侯碑載此事大略相同惟靈顯侯作顯靈侯爲

異十國春秋又云天祐二年築南北夾城謂之南

北月城合大城而爲三周二十六里四千八百丈

卽碑所云恢張制度固護基局立崇墉之百雉表

巨屏于一方者是也十國春秋又云是時命管內

軍州搜寫遺書以上卽碑云亟命訪尋精于繕寫

遠貢劉歆之國不假陳農之求次第籤題森羅卷

軸者是也十國春秋又云佛齊諸國來賓卽碑云

佛齊國舟車罕通賚罔獻亦踰滄海來集鴻臚

者是也佛齊卽三佛齊兩唐書及兩五代史皆不

載惟宋史云三佛齊南蠻別種與占城爲鄰其王

號詹卑人多蒲姓可知在唐時未通職貢王審知

又係僭僞之國故其來賓不列史傳也十國春秋

又云唐以梁王全忠奏賜王建祠福州勒功於石

卽謂此碑也梁王全忠卽碑所謂天下兵馬元帥

太尉中書梁王是時昭宗遇弒哀帝嗣位本紀書

天祐三年閏十二月己酉朔福建百姓僧道詣闕

請爲節度使王審知立德政碑從之是時朝廷命
令多出梁王秉筆者尙存大體故本紀特書哀宗
之從碑文特書梁王之請其實皆具文也然玩碑
文但頌功德不及祠祀之事則十國春秋所謂建
祠福州者又不知何所本也碑文書檢校太保標
題作揀校他碑未見撰人于兢稱臣書者王侗不
稱臣蓋書非奉勅也

尔朱遠墓碣

碣高廣俱一尺七寸五分二五
行行二十四字正書在郟陽縣

唐故銀青光祿大夫檢校太子賓客兼監察御史柱國

河南尔朱府君墓碣 并銘

廣平程彥矩撰

府君其先河南郡人也曾祖祐任主客郎中祖澤同州
韓城令厥考弁歷左金吾引駕仗押衙銀青光祿大夫
檢校太子賓客俱積德行黃緣車服 府君諱遠字

正道少儻有氣不謹小節雖家藏巨萬視之蔑然輕

玉帛若糞土重然諾不顧千金議者曰斯亦豪傑人耳

初職繫懷州軍事押衙後改授山南東道節度散兵馬

使始銀青光祿大夫檢校太子賓客兼監察御史由山

南授東都留守押衙其階與檢校官口監察仍舊勳加

柱國以 府君之用心磊落蔚有才智觀其口必可
捍難口敵揣其義必可赴湯蹈火則其位殆不稱口口
口口然口口口度有規將構第渚宮豈止於榱桷宏壯
費棟膠口口口口云口口結峻宇以踈氣鑿巨沼
以瀦流口樹森羅口口口口郡內口絕凶有口比世
居馮翊慈親在焉口口口口遙不克迎養同
氣八人更迭定省悉著行口口十四口口公事關
連計司輓運之勞咸稱幹鹽每休口口口屬口口口
間有愛睦如也里巷益多 府君之口口以仰止口
口口口未嘗不應人由是歸嗟乎未及下壽以其年五

月六日口口口卒于江陵府無竟里私第享年卅有九
娶河南口口口男一人春郎六歲歲女相相六歲歲
用當年十一月口口口叶歸葬同州澄城縣武安鄉
永平營親第遜口口口口特以哀命見請銘于貞石
文曰
彼蒼者天禍福茫然欲問其緣杳漠無言俄口口口
有後先積善何為報應元元孰云有後口口口口
慶返在口他年

府君名達字正道云云號年殘泐不可得朱家河本
名大谷河世傳爾朱之後改為朱氏居于河濱因建

達廟砌此碣于廟內近世陝人某作彼縣志卽以此
爲廟碑誤矣關中金石記

右余朱達墓碣廣平程彥矩撰攷其歷官始爲懷州
軍事押衙改授山南東道節度散兵馬使改東都留
守押衙洪容齋續筆云唐自肅代以後賞人以官爵
久而浸濫下至州郡胥吏軍班校伍一命便帶銀青
光祿大夫階始與無官者等明宗長興二年詔不得
薦銀青階爲州縣官賤之至矣此余朱達正以軍校
而帶銀青階者也達卒於江陵府無竟里私第竟卽競字
歸葬同州澄城縣武安鄉碣已損一角有年月而不

得其紀年大約在中葉以後矣江寧嚴侍讀道甫遊
秦中搨以見貽云石在郃陽縣西卅里朱家河自來
收金石家所未見也潛研堂金石文跋尾

真空塔銘殘石

石後殘缺僅存前六行高一尺五寸廣五寸五分每行十七字正書

唐崇業寺故大德禪師尼真空塔銘 并序

禪師諱真空俗姓申氏馮翊郡朝邑人也植性明悟天
姿卓越六度口口稟自齡年口戒深仁行諸早歲旣而
口口宿善童子出家訪道口口与波口而無異練心闕

大德禪師碑額

額高一尺五寸九分廣一尺二寸五分
九字作三行正書在咸寧縣薦福寺

皇唐三階大德禪師碑

此不知何碑之額今存寺中碑猶存半截却無一字

可見關中金石記

長樂鏡銘

徑七寸八分銘
三十三字篆書

連記起羊清而即日出為鏡因可支車

延犀言壽去而羊與无屯而日月出

火匡流

凍治銅華清而明以之為鏡因宜文章延年益壽去不

羊與天无極而日月之光長樂

水星鏡銘

徑九寸五分銘
二十字篆書

永保命水銀星陰精百鍊得為鏡八卦壽象備衛神

崇家福衛神

永保命水銀星陰精百鍊得為鏡八卦壽象備衛神

水光鏡銘

徑六寸五分銘
二十字正書

玉匣邪開益輕灰拭夜塵光如一片水影照兩邊人

寫衣鏡銘

徑六寸銘三十二字正書

絕照覽心圓運屬面藏寶匣口口掩掛玉臺而影見監

羅綺于後庭寫衣簪乎前口

元卿鏡銘

徑三寸八分銘二十二字篆書藏余家

日初升月初盈纖翳不生肖茲萬形是日櫻寧瑩乎太

清元卿

青鸞鏡銘

徑三寸八分銘二十八字正書藏余家

月樣團圓水樣清好將香閣伴閑身青鸞不用羞孤影
開匣當如見故人

按山左金石志跋此銘謂首句清字與身人同韻
補段若膺四聲音均表所未備然七言律絕起句
晚唐五代多有借韻者且真文庚青自古間有通
用顧氏寧人毛氏大可於唐韻正及古今通韻史
已詳載之不足異也

日諸君之平風與也

眼爾耳平人手扣大何人其歸五又古今歸歸史

知與正外委亦昔歸善且其天與言自古開其歌

心解與善律四學百以表而水而然其言皆強強也

與山本公爾爾爾爾爾爾爾爾爾爾爾爾爾爾爾

爾爾爾爾爾爾爾爾爾爾爾爾爾爾爾爾爾爾爾

以蘇爾爾水對爾爾致爾爾爾爾爾爾爾爾爾爾爾

天守五書爾爾爾

